


DS
735
A2Y86.
1771a
v. 6



御批歷代通鑑輯覽卷之十

周

赧王

三十六年。秦趙會于澠池。

注見前。寰宇記。澠池。西有澠坂。秦趙相會處。

秦王告趙王。願爲好會于河外澠池。趙王欲毋行。廉頗

廉氏。顯帝曾孫。大廉之後。

蘭相如曰。王不行。示趙弱且怯也。趙王乃

行。相如從。頗送至境。與王訣曰。王行。度道里會遇之禮

畢。不過三十日。過此不還。請立太子。以絕秦望。王許之。

及會。飲酒。秦王請趙王鼓瑟。趙王鼓之。相如請秦王擊

缶。秦王不肯。相如曰。五步之內。臣請得以頸血濺大王

矣。左右欲刃相如。相如張目叱之。左右皆靡。秦王乃一

擊缶罷酒。秦終不能有加于趙。趙人亦盛爲之備。秦不敢動。趙王歸。以相如爲上卿。位廉頗右。頗曰。我有攻城野戰之功。相如徒以口舌。位加我上。我見必辱之。相如聞之。每朝常稱病。出而望見。輒引車避匿。其舍人皆以爲恥。相如曰。子視廉將軍。孰與秦王。曰。不若。相如曰。夫以秦王之威。而相如廷叱之。相如雖驚。獨畏廉將軍哉。顧吾念之。秦所以不敢加兵于趙。徒以吾兩人在也。今兩虎相鬪。勢不俱生。吾所以爲此者。先國家之急。而後私讐也。頗聞之。肉袒負荊。至門謝罪。遂爲刎頸交。崔浩曰。言要齊死生。斷首無悔。

燕君平卒。樂毅奔趙。齊田單

諸田疏屬

襲破燕軍。盡復齊地。齊

君入臨淄。封單爲安平。

注見前。君。

時齊地皆已屬燕。獨莒。卽墨未下。樂毅并軍圍之。卽墨

大夫戰死。卽墨人曰。田單多智習兵。

初燕攻安平。田單使其宗人皆以鐵

籠傳車轄。及城潰。人爭門而出。俱以軸折被擒。獨單宗人得免。遂奔卽墨。

轄車軸頭也。以鐵附之。故謂之鐵籠。

立以爲將。樂毅圍二邑。期年不尅。乃令解圍。去城九

里而爲壘。令曰。城中民出者。勿獲。困者賑之。使卽舊業。

三年而猶未下。或讒之于燕王曰。樂毅伐齊。呼吸之間。

下七十餘城。今不下者。兩城耳。非其力不能拔。欲久仗

兵威。以服齊人。南面而王耳。燕王置酒大會。引言者斬

之。

燕王讓言者曰。齊爲無道。以害先王。寡人痛之。入骨。故招延賓客。以求報仇。有成功者。尙欲與共燕國。今

樂君親爲寡人破齊。夷其宗廟。報塞先仇。齊固樂君之有。非燕所得也。汝何敢言若此。乃斬之。遣國相

立毅為齊王。毅惶恐不受。拜書以死自誓。由是齊人服

其義。諸侯畏其信。莫敢復有謀者。頃之。昭王薨。太子立。

是為太子素與毅有隙。田單知之。乃縱反間于燕曰。樂

毅與燕新王有隙。畏誅。欲連兵王齊。齊人未附。故且緩

攻。即墨以待其事。齊人所患。惟恐他將之來耳。燕王惠

王以為然。乃使騎劫胡三省注。騎劫以能而代將。而召

樂毅。毅知王不善代之。其意不善。知王遣代。遂奔趙。燕將士由是

憤惋不和。田單乃以計誑燕軍。故激怒城中。單令城中

其先祖于庭。飛鳥皆翔舞而下。燕人怪之。單因宣言曰。

當有神師下教。俄有一卒曰。臣可以為師乎。單遂師之。

厚有約束。必稱神師。單又宣言曰。吾惟懼燕人。則所得

齊卒。置之前行。即墨敗矣。燕人如其言。城中皆怒。堅守。

惟恐見得。單又言。吾懼燕人掘吾城外冢墓。可為城中

寒心。燕人掘燒之。齊人望見。皆涕泣。怒自十倍。

最爾一邑破圍已三年其
不至析骸易子者蓋亦幾
希何得城中之牛尚有千
餘耶火牛之事當日諒或
有之史家過爲文飾反啟
後世之疑矣

皆欲出戰。單知其可用。乃身操版鍤。與士卒分功。妻妾
編于行伍之間。盡散飲食饗士。令甲卒皆伏。使老弱女
子乘城。遣使約降。燕軍益懈。單收城中。得牛千餘。爲絳
繒衣。畫以五采龍文。束兵刃于其角。灌脂束葦于其尾。
鑿城數十穴。夜縱牛燒葦端。壯士五千人隨之。牛尾熱。
怒奔燕軍。所觸盡死傷。五千人因銜枚奮擊。而城中鼓
譟從之。老弱皆擊銅器爲聲。聲動天地。燕軍大駭。敗走。
齊人殺騎劫。追亡逐北。至河上。齊七十餘城皆復。乃迎
齊王于莒。入臨淄。王以田單爲相。封安平君。以太史敫
之女爲后。是爲君王后。生太子建。太史敫曰。女不取媒。因自嫁。非
吾種也。汚吾世。終身不見君王后。君王后亦不以不見

故失人子之禮。

田單攻狄。三月不克。問于魯仲連。仲連曰。將軍在即墨。織蒞仗鉞。為士卒倡。當

此之時。將軍有死之心。士卒無生之氣。莫不揮泣奮臂。而欲戰。此所以破燕也。今將軍東有夜邑之奉。西有淄上之娛。黃金橫帶。騁乎淄澠之間。有生之樂。無死之心。所以不勝也。明日單厲氣。循城立于矢石之所。援枹鼓之。狄人乃下。

魯仲連。魯以國為氏。仲連齊人。狄。齊邑。漢為縣。後漢改臨濟。故城在今青州府高苑縣。夜邑。即

漢掖縣。今為萊州府治。淄澠。二水名。淄水。出青州府博山縣原。山東北至壽光入海。澠水。出臨淄縣。即申池水

之分流。北入時水。

趙封樂毅為望諸君。

胡三省注。望諸。澤名。本齊地。毅自齊奔趙。趙以此號之。本其所從來也。

趙王與樂毅謀伐燕。毅泣曰。臣疇昔之事昭王。猶今日

之事大王也。若復得罪在他國。終身不敢謀趙之奴隸。

況子孫乎。趙王乃止。封樂毅于觀津。

故城在今直隸黃州武邑縣東南。

號望諸君。尊寵之以警動于燕齊。燕王恐趙用之以乘

田文齊之支族乃與諸侯共伐破齊。悖理實甚。然春秋戰國之世。似此者不一而足矣。

其敝乃使人讓毅。且謝之曰。將軍拒燕歸趙。言為計則可矣。何以報先王。所以遇將軍之意乎。毅報書曰。免身立功。以明先王之迹。臣之上計也。罹毀辱之謗。墮先王之名。臣之大恐也。臨不測之罪。以幸為利。謂與趙謀燕義之所不敢出也。古之君子。交絕不出惡聲。忠臣去國。不潔其名。臣雖不佞。數奉教于君子矣。燕乃復以毅子間為昌國君。而毅往來復通燕。竟卒于趙。

田文卒。齊魏滅薛。

綱目提要。田文卒下有齊魏滅薛四字。今從之。

初。齊湣王既滅宋。欲去孟嘗君。孟嘗君奔魏。魏以為相。與諸侯共伐破齊。齊王襄王復國。而孟嘗君中立為諸侯。無所屬。齊王畏之。與連和。至是卒。諸子爭立。齊魏共

滅之。

癸未

三十七年。

燕惠王元年。

秦白起伐楚。拔郢。

今湖北荊州府江陵縣。楚郢都有故

郢城在縣東南。

楚徙都陳。

今河南陳州府。注見前。

白起攻楚。拔郢。燒夷陵。

楚先王墓。史記索隱。夷陵。陵名。後遂為縣。今湖北宜昌府東湖

縣是也。

楚王兵散。遂不復戰。東北徙都于陳。秦遂置南郡。

今荊州府。

封起為武安君。

胡三省注。戰國之君。分封其臣。如平原。武安之類。非真食

其縣之人也。

明年。秦復取楚巫。黔中。

注俱見前。

又明年。楚王收東

地兵。

淮泗之地。

得十餘萬。復西取秦所拔江南十五邑為郡。

以拒秦。

乙酉

三十九年。

魏安釐王元年。

魏封公子無忌。

魏昭王少子。安釐王異母弟。

為信

陵君。

今河南歸德府寧陵縣。有寧陵故城。無忌食邑。

無忌仁而下士。士無賢不肖，皆以禮交之。士以此爭往歸焉。

戊子四十二年，趙、魏伐韓，秦救之，大破其軍。魏割南陽即春秋南陽，戰國屬魏以和。

先是，秦伐魏，韓救之。秦大破韓軍，斬首四萬，魏納八城于秦，又割溫即春秋晉溫邑，注見前以和。至是，魏與趙伐韓，韓告急于秦。秦救韓，敗趙、魏之師，斬首沈卒十五萬。斬魏軍首十三萬，沈趙卒二萬人于河。魏將段干子請割南陽予秦以和。蘇代曰：

「欲璽者，段干子也。」謂段干子欲得秦封，故請魏割地。欲地者，秦也。今王使欲地者制璽，欲璽者制地，魏地盡矣。夫以地事秦，猶抱薪救火，薪不盡，火不滅。王曰：「事已行，不可更矣。」代曰：

「抱薪救火，可為破的之論。秦所以愚六國與六國所」

甲七 卷之七 周赧王

五

五

五

五

以受愚于秦皆由于此然終未有悟其非者宜孔斌有燕雀處堂之歎也

博之所以貴梟者便則食不便則止博局戲以五木爲散有梟盧雉犢塞五者之采梟爲最勝便宜也得梟者合食其子不便則爲徐行食行碁也今何王之用智不如用梟也魏王卒不聽

巳丑

四十三年

韓桓惠王元年

楚太子完質于秦

秦王將使武安君與韓魏伐楚楚使者黃歇

黃氏黃國之後歇楚

人至秦聞之恐其一舉而滅楚也乃上書曰楚國援也

鄰國敵也今王妬楚之不毀而忘毀楚之彊韓魏臣恐

韓魏之卒欺大國也何則王無重世

猶言再世

之德于韓魏

而有累世之怨乃欲資之與攻楚不亦過乎臣爲王慮

莫若善楚秦楚合一則韓魏必爲關內之侯

注地以兵截之

也于齊則齊右壤可拱手而取也王之地一經兩海

東西

趙奢治賦而不吐罰此兼
有理財治國之能者非獨
優于將畧而已也

為經。取齊右壤。則自西海至東海。皆為秦地。故曰一經。要約天下。然後危動燕趙。直搖齊楚。此四國者。不待痛而服矣。秦王從之。使歇歸。約親于楚。楚復使歇侍太子完為質于秦。

庚寅四十四年。燕武成王元年。

辛卯四十五年。秦圍趙閼與。音焉。與。城名。在今山西沁州西北。俗呼烏蘇村。趙奢

人。擊卻之。

初。趙奢為田部吏。收租稅。平原君家不肯出。奢以法殺其用事者九人。平原君怒。將殺之。奢曰。君子趙為貴公子。今縱君家而不奉公。則法削。法削則國弱。國弱則諸侯加兵。是無趙也。君安得有此富乎。以君之貴。奉公如法。則上下平。上下平則國強。國強則趙固。而君為貴戚。

豈輕于天下邪。平原君賢之。言于王。使治國賦。國賦大

平。民富而府庫實。及秦圍關與。趙王召羣臣問之。廉頗

樂乘

樂毅人

皆曰。道遠險阨。難救。奢曰。道遠險阨。如雨鼠

鬪于穴中。將勇者勝。王乃令奢將兵救之。去邯鄲三十

里而止。令軍中曰。有以軍事諫者死。秦師軍武安

今縣屬河

南彰德府有故城在縣西南。即秦人勒兵處。

西。鼓譟勒兵。武安屋瓦皆震。有

言急救武安者。奢立斬之。堅壁二十八日不行。復益增

壘。秦間入趙軍。奢善食而遣之。間還報。秦將大喜。奢既

遣間。卷甲而趨。一日一夜。距闕與五十里而軍。軍壘成。

秦師聞之。悉甲而往。趙軍士許歷

許以闕爲氏。

請諫。奢進之。

歷曰。秦不意趙至此。其來氣盛。必厚集其陣以待之。不

然必敗。奢曰：請受教。歷請刑，不許。歷復請曰：先據北山者勝。奢即發萬人趨之。秦師後至，爭山不得上。奢縱兵擊之，秦師大敗，解闕與而還。趙封奢為馬服君。服虔曰：言服馬也。史記正義因馬服山為號也。山在邯鄲縣西北。以許歷為國尉。明年秦復攻趙，闕與不拔。

秦以范雎

范，晉范氏之別。雎，魏人，字叔。

為客卿。

初，范雎欲事魏王，家貧無以自資，乃先事中大夫須賈。須，須句之後。以國為氏。賈使于齊，雎從。齊王聞雎辯口，私賜之金。

賈疑雎以國陰事告齊也，歸告其相魏齊。魏諸公子。齊怒，笞

擊雎，折脅，搯齒，置廁中。雎佯死得出。魏人鄭安平。鄭以國為氏。

持雎亡匿，更姓名曰張祿。秦謁者秦官名。王稽王氏所出，不一。

鄭樵統謂其王者之裔以爵爲氏使魏載與俱歸薦之王王見之離宮

睢佯爲不知永巷而入其中王來而宦者怒逐之曰王

至睢謬曰秦安得王獨有太后穰侯

魏冉封穰侯穰故城在今河南南陽

州府鄧耳王微聞其言乃屏左右跽而請者三曰先生幸

教寡人睢曰臣羈旅之臣也交疎于王而所願陳者皆

匡君之事處人骨肉之間願效愚忠而未知王之心也

王跽曰事無大小上及太后下至大臣願先生悉以教

寡人無疑也睢見左右多竊聽者未敢言內先言外事

以觀秦王之俯仰因進曰穰侯越韓魏而攻齊非計也

是年穰侯伐齊取剛壽剛壽二邑名剛今兗州府寧陽縣之故剛城是壽今兗州府之壽張縣是今不

如遠交而近攻得寸則王之寸也得尺則王之尺也夫

韓魏。中國之處。去聲。謂中國所在。而天下之樞也。王若欲霸。必

親中國。以為天下樞。而威楚趙。則齊附而韓魏可虜矣。

王曰善。乃以睢為客卿。與謀兵事。後二年。秦始用范雎之謀。伐魏。取懷。又二

年。拔魏邢邱。又二年。伐韓。拔九城。取南陽。攻絕太行道。懷。周畿內邑。戰國屬魏。今懷慶府武陟縣。有懷縣故

城。邢邱。注見前。春秋晉邑。戰國屬魏。考邢邱。即平臯。班志應劭注其明。杜預左傳注從之。王幼學不之考。引魏

世家以為即廩邱。其說殊混。注以為即廩邱。其說殊混。

乙未。四十九年。秦君廢其母。逐魏冉。穰侯。華陽君。公子市

高陵公子慄。涇陽君。二君皆秦昭王同母弟。以范雎為丞相。封應侯。古應城。在

今河南汝州寶豐縣。

范雎曰。益親用事。因私說秦王曰。臣居山東時。聞齊有

孟嘗君。不聞有王。聞秦有太后穰侯。不聞有王。夫擅國

之謂王。能利害之謂王。制殺生之謂王。今太后擅行不

顧。

太后與義渠戎王亂。生二子。遂詐殺戎王。起兵滅義渠。

穰侯出使不報。華陽涇

陽。擊斷無諱。

謂刑人無所避忌。

高陵進退不請。四貴備而國不

危。未之有也。臣聞木實繁者披其枝。披其枝者傷其心。

大其都者危其國。尊其臣者卑其主。今四貴用事。而王

獨立于朝。竊恐萬世之後。有秦國者。非王子孫也。秦王

以為然。于是廢太后。

明年。以憂死。

逐穰侯。及華陽涇陽高陵

三君子。于關外。

各令就封。穰侯卒于陶。涇陽君未之國而卒。陶。魏冉封邑。史記冉封穰。復益封陶。

孟康曰。陶。即定陶。徐廣曰。陶。一作陰。考定陶。在今山東

曹州府。穰。故城。在今南陽府光化縣。陰。故城。是也。與南陽鄰近。徐說似為得之。

以睢為丞相。封應

侯。

丙申五十年。趙孝成王秦伐趙。齊救卻之。

秦攻趙。趙王新立。

趙惠文王卒。太子

太后用事。求救于

齊。齊人曰。必以長安君

惠文王少子。史記正義。長安君。以長安善故名。

為質。太

后不可。齊師不出。大臣彊諫。太后明謂左右曰。有復言

者。老婦必唾其面。左師觸龍

左師。冗散之官。以優老臣者。觸龍名也。戰國策作觸

龍。請見。太后盛氣而胥

待也。

之入。左師徐趨而坐。謝曰。

老臣病足。不得見久矣。恐太后之體有所苦也。故願望

見太后。太后曰。老婦恃輦而行。曰。食得毋衰乎。曰。恃粥

耳。太后不和之色稍解。左師曰。賤息舒祺。

兒子曰息。最舒祺名也。

少不肖。而臣衰。竊愛之。願得補黑衣

皂衣也。衛士之服。

之缺。以

衛王宮。太后曰。諾。年幾何矣。對曰。十五歲矣。雖少。願及

臣未填溝壑而託之。太后曰。丈夫亦愛少子乎。對曰。甚于婦人。太后笑曰。婦人異甚。對曰。老臣竊以媼婦老者之稱。

之愛燕后。賢于長安君。太后曰。君過矣。不如長安君甚。

左師曰。父母愛其子。必爲之計深遠。媼之送燕后也。持其踵而哭。念其遠也。亦哀之矣。已行。非不思也。祭祀則

祝之曰。必勿使反。

勿使失意于燕。而反趙也。

豈非爲之計長久。爲子

孫相繼爲王也哉。太后曰。然。左師曰。今三世以前。至于

趙王之子孫。爲侯者。其繼有在者乎。曰。無有。曰。此其近

者禍及身。遠者及其子孫。豈人主之子。侯則不善哉。位

尊而無功。奉

讀曰俸。

厚而無勞。而挾重器多也。今媼尊長

安君之位。封以膏腴之地。多與之重器。而不及今令有

功于趙。一旦山陵崩。長安君何以自託于趙哉。太后曰。諾。恣君之所使之。于是爲長安君約車百乘。質于齊。齊師乃出。秦師退。

丁酉五十一年。

齊王建元年。

戊戌五十二年。楚太子完自秦逃歸。楚君橫卒完立。

是爲考烈王。

以黃歇爲相。封春申君。

楚王

頃襄王。

疾病。黃歇侍太子于秦。聞之。言于應侯曰。楚

王疾。恐不起。秦若歸其太子。則是親與國。而得儲萬乘也。不歸。則咸陽布衣耳。楚更立君。必不事秦。應侯以告秦王。王令太子傅先往問疾。反而後圖之。歇與太子謀曰。王疾病。而陽文君之子二人在中。王若卒大命。陽文

君之子。必立為後。太子不得奉宗廟矣。乃教太子變服為楚使者。御以出關。而自為守舍。謝病。度已遠。乃自言請死。王怒。欲聽之。應侯曰。歇出身以徇其主。太子立。必用歇。不如歸之以親楚。王從之。歇至楚三月。頃襄王薨。太子卽位。以歇為相。封之淮北。

歇後請于楚王。徙封于吳。城吳故墟而都之。

歇所都。今蘇州府治是。

己亥

五十三年。

楚考烈王元年。

秦白起伐韓。拔野王。

今河南懷慶府河內縣是。

黨

今山西潞安府秦上黨郡。以其地極高。與天為黨。故名。

降趙。

秦拔韓野王。上黨路絕。上黨守馮亭。

畢公之後。食采于馮。因以為氏。與

其民謀曰。鄭道。

韓治鄭都。故云。

已絕。不如歸趙。趙受我。秦必攻

之。趙被秦兵。必親韓。韓趙為一。則可以當秦矣。乃告于

趙勝受上黨之降。史記譏其利令智昏。然使受降而不用趙括。不易廉頗。秦雖見伐。勝負猶未可知也。既棄趙豹之言。又受應侯之

愚有不喪師辱國之理乎

趙曰韓不能守上黨入之秦其吏民皆安爲趙不樂爲秦願再拜獻之大王趙王以問平陽君豹對曰聖人甚禍無故之利王曰何謂無故對曰秦蠶食韓地中絕不令相通固自以爲坐而受上黨也韓氏所以不入之秦者欲嫁其禍于趙也秦服其勞而趙受其利雖彊大不能得之于弱小弱小顧能得之于彊大乎豈得謂非無故不如勿受平原君請受之王乃使平原君往受地封亭爲華陽君亭垂涕不見使者曰吾不忍賣主之地而食之也

辛丑五十五年秦王齧攻趙上黨拔之白起代將大破趙軍殺其將趙括阬降卒四十萬

秦使王齕攻上黨拔之。上黨民走趙。趙廉頗軍長平。故城在今山西澤州府高平縣西。以按音遏據援也。之謂屯。

在今山西澤州府高平縣西。以按音遏據援也。之謂屯。

元和志秦白起敗趙括于此。以按音遏據援也之。謂屯兵長

平以援。齕遂攻趙。趙軍數敗。廉頗堅壁不出。又失亡多。

趙王怒。數讓之。應侯又使人行千金于趙。為反間曰。秦

獨畏馬服君之子括為將耳。廉頗易與。且降矣。趙王遂

以括代頗將。藺相如曰。王以名使括。若膠柱鼓瑟。緩急

調之在柱。若膠其柱。則不能運轉。而絃不調矣。括徒能讀其父書傳。不知合變

也。王不聽。括自少學兵法。當與父奢言之。奢不能難。然

言之。趙若將括。破趙軍者。必括也。括將行。其母上書言括不可使。王曰。

母置之。吾已決矣。母曰。卽有不稱。妾請無隨坐。王許之。

秦王聞括為將。乃陰使武安君為上將。而齕為裨將。令

軍中敢泄者斬。括至軍，悉更約束，易置軍吏，出兵擊秦。武安君佯敗走，張二奇兵以劫之。趙括乘勝追造秦壁，壁堅拒不得入。而秦奇兵絕其後，軍分爲二，糧道絕。武安君出輕兵擊之，趙戰不利，因築壁堅守，以待救至。秦王自如河內，發民年十五以上，悉詣長平，遮絕趙救兵及糧食。趙請粟于齊，齊王弗許。趙軍絕食四十六日，人相食，急攻秦壘，欲出不得。括自出搏戰，秦射殺之。卒四十萬人皆降。武安君挾詐盡阬之，遺其小者二百四十人歸趙。前後斬首虜四十五萬人，趙人大震。壬寅五十六年，秦攻趙，拔武安。注見前。皮牢。卽皮氏。注見前。定太原。上黨韓趙又割地以和。

武安君分軍爲三，王齕拔武安、皮牢，司馬梗北定太原。

盡有上黨地。韓趙恐。使蘇代說應侯曰。趙亡。則秦王王。

去聲。言秦王破趙。則將王天下也。而武安君爲三公矣。君能爲之下乎。

且趙亡。北地入燕。東地入齊。南地入韓。魏秦之所得幾

何。不如因而割之。無以爲武安君功也。應侯言于秦王

曰。秦兵勞。請許韓趙割地以和。王聽之。割韓垣雍。卽春秋

雍。注見前。趙六城。而罷兵。武安君由是與應侯有隙。

魏以孔斌。穿之子。字子順。孔子七世孫。爲相。尋以病免。

初。魏王聞孔斌賢。聘以爲相。斌改嬖寵之官。以事賢才。

奪無任之祿。以賜有功。諸喪職秩者。咸不悅。斌陳大計。

又不用。乃以病致仕。人謂之曰。子其行乎。答曰。行將安

之。山東之國。將并于秦。秦爲不義。義所不入。遂寢于家。

喟然嘆曰。死病無良醫。不出二十年。天下其盡爲秦乎。
秦之始伐趙也。魏人皆以于魏爲便。斌曰。何謂也。曰。秦勝吾國而服焉。不勝則乘其敝而擊之。斌曰。不然。秦貪暴之國也。勝趙必復他求。吾恐于時魏受其師也。先人有言。燕雀處屋。子母相哺。煦煦相樂。自以爲安矣。竈突炎上。棟宇將焚。燕雀顏不變。不知禍之將及已也。今子不悟。趙破而患將及魏。可以人而同于燕雀乎。

秦誘執趙公子勝。旣而歸之。

初。魏須賈聘于秦。范雎因辱之。

范雎旣相秦。號曰張祿。魏不知也。須賈至秦。雎

微服往見。賈驚曰。范叔固無恙乎。留坐飲食。取一綈袍贈之。雎遂爲賈御。至相府。雎請先入。良久。賈問門下曰。范叔何不出也。門下曰。無范叔。鄉者吾相君也。賈知見賣。乃膝行入。謝罪。雎坐責讓之。且曰。爾所以得無死者。以綈袍戀戀。尚有故人之意耳。乃大供具。使歸告魏王。請諸侯使坐賈堂下。置莖豆而馬食之。

曰。速斬魏齊頭來。不然。且屠大梁。須賈還。以告魏齊。齊

奔趙。匿平原君家。秦王欲爲范雎必報其仇。乃誘平原

君至而執之。使謂趙王曰：「不得齊首，吾不出王弟于關。」

齊窮，抵虞卿。

游說之士為趙上卿。食邑于虞，故號虞卿。

虞卿棄相印，與齊偕

亡走魏。信陵君意難見之，齊怒，自殺。趙王卒取其首以

與秦。秦乃歸平原君。

睢言王稽于秦王，王以為將軍。睢散家

財物以報嘗所困厄者一飯之德，必償睢耻之仇，必報。

癸卯

五十七年，秦伐趙，圍邯鄲。趙公子勝如楚乞師，楚黃歇

帥師救趙。

秦武安君病，使王陵伐趙，攻邯鄲，少利。武安君病愈，王

欲使之代，武安君辭不行。

武安君曰：邯鄲實未易攻，且諸侯之救日至，趙應其內，諸

侯攻其外，破秦軍必矣。王使應侯請之，終不肯行。

乃以王齧代陵。趙王使平原

君求救于楚，平原君約其門下客文武備具者二十八

戰國公子率多好士然其著名者僅如朱英毛遂朱亥侯嬴輩甚至雞鳴狗盜亦稱客蓋其時譎詐相尚所謂士者不過如此豈有賢人而甘爲食客者哉

與俱得十九人餘無可取者毛遂

毛以國爲氏。平原君曰賢士

之處世如錐之處囊中其末立見今先生處勝門下三年矣勝未有所聞是先生無所有也遂曰臣乃今日請處囊中耳使臣得早處囊中乃脫穎而出非特其末見而已

平原君乃與之俱十九人相與目笑之比至楚平原君與楚王言合從之利久而不決毛遂拔劍歷階而上曰從之利害兩言而決耳今日出而言日中不決何也楚王怒叱之遂拔劍而前曰王之所以叱遂者以楚國之衆也今十步之內王不得恃楚國之衆也王之命縣于遂手吾君在前叱者何也且遂聞湯以七十里而王天下文王以百里而臣諸侯今楚地方五千里持戟百萬此霸王之資也白起小豎子耳率數萬之衆一戰而舉鄢郢再戰而燒夷陵三

戰而辱王之先人。此百世之怨。趙之所羞。而王不知惡

焉。合從者。為楚非為趙也。楚王曰。唯唯。乃與楚王歃血。

毛遂取血。奉銅盤而跪進之。楚王曰。王當歃血。次者吾君。次者遂。以手招十九人曰。相與歃此血于堂下。公等錄錄。所謂因定從而歸。平原君曰。勝不敢復相天下士人成事者也。

矣。因以毛遂為上客。而楚使春申君將兵救趙。

魏晉鄙

晉既滅子孫以國為氏。鄙魏將軍。

帥師救趙。次于鄴。

注見前。

公子無

忌襲殺鄙。奪其軍以進。

魏王使晉鄙救趙。秦王使謂魏王曰。吾攻趙。旦暮且下。

諸侯敢救者。必移兵先擊之。魏王恐。止晉鄙壁鄴。又使

新垣衍。

陳留風俗傳。畢公之後。居于梁。為新垣氏。

說趙王欲共尊秦為帝。以

却其兵。魯仲連在邯鄲。聞之。往見衍曰。彼秦者。棄禮義。

而上首功

秦以戰而能斬首有功者爲上。故曰上首功。

之國也。卽肆然而爲

帝。則連有蹈東海而死耳。不願爲之民也。且秦梁皆萬

乘之國。秦無已而帝。則將行天子之禮。以號令天下。變

易諸侯之大臣。奪其所憎。而與其所愛。梁王安得晏然

而已乎。而將軍又何以得故寵乎。衍再拜曰。吾乃今知

先生天下士也。不敢復言帝秦矣。初。魏有隱士曰侯羸。

侯氏出于鄭侯宣多。

年七十。家貧。爲大梁夷門

梁之東門。

監者。公子無

忌聞其賢。欲厚遺之。不可。公子乃置酒。大會賓客。坐定。

從車騎虛左。自迎侯生。

侯生攝敝衣冠。直上載不讓。公子執轡愈恭。生又謂公子曰。臣

有客。在市屠中。願枉車騎過之。公子引車入市。生下見其客。睥睨。故久立。與其客語。微察公子。公子色愈恭。乃

謝客。侯生至。引坐上坐。賓客皆驚。及秦圍趙。趙平原君

趙魏唇齒趙被兵魏雖不
可不救然無忌徒以瓜葛
之誼盜竊軍符椎殺國將
則非爲國乃爲私且大悖
理矣

夫人公子姊也。使者冠蓋相屬于魏。讓魏救不至。公子

數請于魏王。及賓客辯士。游說萬端。王終不聽。公子乃

屬賓客。約車騎百餘乘。欲赴鬪以死于趙。過見侯生。生

曰。公子無他端。而欲赴秦軍。如以肉投餒虎。何功之有。

公子再拜問計。生曰。吾聞晉鄙兵符。符以代古之珪。璋取簡易也。在

王卧内。如姬姬姓如。最幸。力能竊之。公子嘗爲姬報其父

讐。姬欲爲公子死。無所辭。誠一開口。則得虎符。兵符以虎爲之。

取其威猛。奪鄙兵。北救趙。西却秦。此五伯之功也。公子如其

言。果得兵符。侯生曰。將在外。君令有所不受。有如鄙疑

而復請之。則事危矣。臣客朱亥。邾爲楚所滅。子孫乃去邑氏朱。力士。可

與俱。鄙不聽。使擊之。公子至鄴。晉鄙合符。果疑之。亥袖

四十斤鐵椎。椎殺鄙。公子勒兵。下令曰。父子俱在軍中者。父歸。兄弟俱在軍中者。兄歸。獨子無兄弟者。歸養。得選兵八萬人。將之而進。

公子之行也。與侯生訣。生曰。臣老不能從。請數公子至晉鄙軍。

之日。北鄉自到。以送公子。及公子至軍。生果自到。

甲辰

五十八年。

燕孝王元年。

秦殺白起。

王齕久圍邯鄲不拔。諸侯來救。戰數不利。武安君曰。不聽吾計。今何如矣。秦王聞之怒。彊起之。武安君稱病篤。乃免為士伍。遷之陰密。

即密須。注見前。

行至杜郵。

今陝西西安府咸陽縣東。

有杜郵館。即白起伏劍處。郵。傳驛之郵亭也。

應侯曰。起之遷。意怏怏有餘言。

王乃使賜之劍。武安君引劍將自剄。曰。我何罪于天而至此哉。良久曰。我固當死。長平之戰。趙卒降者數十萬。

我詐而盡阮之。是足以死。遂自殺。應侯乃任鄭安平。使將擊趙。

魏公子無忌大破秦軍邯鄲下。

信陵君大破秦軍于邯鄲下。王齕解圍走。鄭安平以二萬人降趙。信陵君不敢歸魏。使將將其軍以還。趙王德信陵君。欲以五城封之。信陵君有自功之色。客或說曰。物有不可忘。有不可不忘。人有德于公子。公子不可忘也。公子有德于人。願公子忘之。于是信陵君立自責。若無所容。趙王自迎。執主人之禮。引信陵君就西階。信陵君側行辭讓。從東階上。自言。臯古文罪字。秦始皇以過其近皇字。故改爲罪。以負于魏。無功于趙。飲至暮。趙王以信陵君退讓。竟不

忍言獻五城。平原君欲封魯仲連。仲連不受。乃以千金爲壽。仲連笑曰。所貴爲天下士者。爲人排患難。解紛亂。而無取也。卽有取者。是商賈之事。連不忍爲也。遂辭去。秦太子秦昭襄王太子死。以其次子安國君爲太子。安國君名柱。卽孝文王。之子異人。自趙逃歸。

秦太子妃曰華陽。

湯沐邑名。

夫人無子。夏姬生子異人。質于

趙。秦數伐趙。趙不禮之。困不得意。陽翟

注見前。

大賈呂不

韋。

呂以國爲氏。

適邯鄲。見之曰。此奇貨可居。

居。積也。以異人方財貨。言可居。

積以利。

乃說之曰。太子愛華陽夫人而無子。子之兄弟二

十餘人。子居中。不甚見幸。太子卽位。子不得爭爲嗣矣。

異人曰。奈何。不韋曰。能立適嗣者。獨華陽夫人耳。不韋

雖貧。請以千金爲子西遊。立子爲嗣。異人曰。必如君策。秦國與子共之。不韋乃與五百金。令結賓客。復以五百金買奇物玩好。自奉而西。見夫人姊。而以獻于夫人。因譽異人之賢。賓客徧天下。日夜泣思太子及夫人。曰。異人也。以夫人爲天。夫人喜。不韋因使其姊說曰。夫人愛而無子。不以繁華時。蚤自結于諸子中賢孝者。舉以爲適。卽色衰愛弛。雖欲開一言。尚可得乎。今異人賢。自知中子不得爲適。誠以此時拔之。是異人無國而有國。夫人無子而有子也。則終身有寵于秦矣。夫人以爲然。乘間言于太子。太子許之。與夫人刻玉符。約以爲嗣。因請不韋傳之。不韋取邯鄲姬絕美者與居。有身。異人見而

請之。不韋佯怒。既而獻之。期年而生子政。即始皇異人遂

以爲夫人。邯鄲之圍。趙欲殺異人。不韋賂守者得脫亡。

赴秦軍。遂歸。趙欲殺異人妻子。姬故趙豪家女。得匿。母子皆不死。後趙歸之于秦。異人楚

服而見夫人。夫人曰。吾楚人也。當自子之。因更名曰楚。

乙巳五十九年。秦伐韓趙。王命諸侯討之。秦遂入寇西周君

武公。入秦獻地。王卒。綱目作王入秦獻地。歸而卒。考史記。秦使將軍繆攻西周。西周君奔秦。正

義曰。謂西周武公。又史記周君王赧卒。索隱曰。此周君。即西周武公。時武公與王赧俱卒。故連言之。據此。則獻地入

秦者。乃武公而非赧王。周君王赧者。乃兩人而非一人。今以史記按之。既云西周君奔秦。則獻地當係之武公。不得

以爲赧王。今從正義說。改書至所云周君王赧。蓋即指赧王一人而言。稱之曰周君。而不沒其王號也。若如索隱所

云。史記何不于周君之上。加以西字。且赧王武公。既同時而卒。何不書王赧于周君之上。而顧以臣先君乎。說不足

據。今仍書王卒。蓋武公既獻地。則王亦從失尊例。書卒也。

秦伐韓。取陽城。負黍。

注俱見前。

斬首四萬。伐趙。取二十餘縣。

斬首九萬。王恐。

史記作西周恐。時王寄居西周。故史記云。

與諸侯約從。將天

下銳師。出伊闕。

注見前。

攻秦。令無得通陽城。秦使將軍嫪

來攻。西周君奔秦。頓首受罪。盡獻其邑三十六。口三萬。

秦受其獻。歸西周君于周。是歲王卒。

丙東周君一。

秦昭襄王五十二。楚考烈王八。燕孝王三。魏

午安釐王二十二。

趙孝成王十一。韓桓惠王十八。齊王建

十年。是年。燕孝王薨。子喜立。

通鑑于是歲。即以秦系年。綱目則用分註。而不書東周君。今依綱目分註例。兼採薛

應旂甲子彙紀。先書東周

君于前。次列七國于後。

秦丞相范雎免。

鄭安平既降趙。秦王令毋得言其事。以順適應侯之意。

至是王稽坐與諸侯通。棄市。應侯益不懌。王臨朝而嘆。

應侯請其故。王曰。武安君死。而鄭安平。王稽

皆應侯所任。

等

范雎蔡澤同以游說取卿
相雎之發憤因魏齊所謂
睚眦必報者澤則志在持
梁齒肥苟且富貴而已究
之機謀百變時過輒窮均
小慧而大癡者耳

皆畔。內無良將。外多敵國。吾是以憂。應侯懼。不知所出。

燕客蔡澤

蔡以國為氏。澤燕人。

聞之。西入秦。先使人宣言于應侯。

曰。蔡澤見王。必奪君位。應侯召澤。讓之。澤曰。吁。君何見

之晚也。夫四時之序。成功者退。商君。吳起。大夫種。

事俱見前。

何足願歟。應侯謬曰。何為不可。君子有殺身以成名。死

無所恨。澤曰。身名俱全者。上也。名可法而身死者。次也。

三子之可願。孰與閔天。周公哉。語曰。日中則移。月滿則

虧。進退羸縮。與時變化。今君怨已讐而德已報。意欲至

矣。而無變計。竊為君危之。應侯曰。善。遂薦澤于王。因謝

病免。王悅澤計。以為相。數月免。

澤初游學于諸侯。不遇從唐舉相。曰富貴吾所

自有。不知者壽也。舉曰。先生之壽。自今以往。四十三歲

澤笑而去。曰。吾持梁齒肥。富貴四十三歲。足矣。及入秦。

御批歷代通鑑輯覽 卷之十

既為相。人或惡之。澤乃謝病。歸相印。號

綱成君。居秦十餘年卒。唐舉梁人。

楚以荀况

晉荀氏之別。况。趙人。時人相尊。號之曰卿。漢避宣帝諱。曰孫卿。

為蘭陵

故城在今山東

兗州府嶧縣東。令。

况游學于齊。三為祭酒。

老師儒之稱。

適楚。春申君以為蘭陵

令。况嘗與臨武君

荀子注。楚將。未知姓名。

論兵于趙王

孝成王。

前王

曰。請問兵要。况曰。要在附民。仁人之兵。上下一心。下之

于上也。若子弟之事父兄。手臂之扞頭目而覆胸腹也。

故齊之技擊

技。材力也。技擊。以勇力擊斬敵者。

不可以遇魏之武卒。

選

武勇之士。

魏之武卒。不可以遇秦之銳士。

以功賞相長。得五甲首。則

役隸五家。

秦之銳士。不可以當桓文之節制。桓文之節

制。不可以敵湯武之仁義。王曰。請問為將。况曰。號令欲

嚴以威。賞罰欲必以信。處舍營壘也。欲周以固。徙舉進退。

欲安以重。靜則安重。不為輕舉。欲疾以速。動則疾速。不失機宜。窺敵觀變。謂用

間。欲潛以深。潛隱。深入。欲伍以參。錯雜敵中。盡知其事。遇敵決戰。必行

吾所明。無行吾所疑。是之謂六術。無欲將而惡廢。欲將求進

也。惡廢。懼黜也。無怠勝而忘敗。既勝而怠。則忘敗。無威內而輕外。無見

利而不顧其害。凡慮事欲熟。而用財欲泰。不當吝賞。是之謂

五權。可殺而不可使處不完。可殺而不可使擊不勝。可

殺而不可使欺百姓。是之謂三至。凡百事之成也。必在

敬之。其敗也。必在慢之。敬謀無曠。敬事無曠。敬吏無曠。

敬眾無曠。敬敵無曠。是之謂五無曠。慎行此六術五權

三至。而處之以恭敬無曠。是之謂天下之大將。于是臨

武君稱善。陳囂問曰。先生議兵。以仁義為本。又何以兵為哉。況曰。仁者愛人。故惡人之害之也。義者循理。故惡人之亂之也。彼兵者。所以禁暴除害。非爭奪也。後春申君死。荀

卿廢。因家蘭陵。著書數萬言。流傳于世。

秦遷西周公

索隱。武公子文公。

于囂狐聚。

在今河南汝州東北。

周既獻地。其民不樂屬秦。遂東亡。于是秦取周九鼎寶器。而遷西周公于囂狐。

戊

東周君三。秦昭襄五十四。楚考烈十。燕王喜一。魏安申釐二十四。趙孝成十三。韓桓惠二十。齊王建十二年。秦

王郊見上帝于雍。

注見前。

是時。天下皆賓于秦。魏後至。秦使將軍摎伐之。取吳城。

即虞城。注見前。于是韓王入朝。魏舉國聽命。

庚東周君五。秦昭襄五十六。楚考烈十一。燕王喜四。魏安
釐二十六。趙孝成十五。韓桓惠二十二。齊王建十四年。

秦王稷薨。子柱立。是為孝文王。

韓王衰經入弔祠。諸侯皆使其將相往視喪事。

燕伐趙。趙敗之。遂圍燕。

燕王使栗腹

栗氏。栗陸氏之後。

約驩于趙。反而言曰。趙壯者死

長平。其孤未壯。可伐也。王使腹將而攻鄆。

今直隸趙州柏鄉縣北。有

鄆縣故城。春秋
晉邑。戰國屬趙。

將渠

索隱。人姓名。或云
將官。渠其名也。

曰。與人通關約

交。使者報而攻之。不祥。師必無功。王不聽。自將偏軍隨

之。將渠又泣諫。不從。趙使廉頗擊之。敗其兩軍。逐北五

百里。遂圍燕。燕人請和。趙人曰。必令將渠處和。

謂主和也。燕

王以將渠為相而處和。趙師乃解。

是年。趙公
子勝卒。

辛東周君六。秦孝文元。楚考烈十三。燕王喜五。魏安釐亥二十七。趙孝成十六。韓桓惠二十三。齊王建十五年。冬十月。秦王柱薨。子楚立。是為莊襄王。

秦孝文王卽位三日而薨。子楚立。尊華陽夫人為華陽太后。夏姬為夏太后。

燕伐齊。拔聊城。

今縣。屬山東東昌府。

齊攻取之。

燕將攻齊聊城。拔之。或譖之燕王。燕將保聊城。不敢歸。齊田單攻之。歲餘不下。魯仲連乃為書。約之矢以射城中。遺燕將曰。為公計者。不歸燕。則歸齊。今獨守孤城。齊兵日益。而燕救不至。將何為乎。燕將見書。泣三日。遂自殺。聊城亂。田單克之。歸言仲連于齊王。欲爵之。仲連逃之海上。曰。吾與富貴而詘于人。寧貧賤而輕世肆志焉。

魏王嘗問天下之高士于孔斌斌曰世無其人也抑可
以為次其魯仲連乎

壬東周君七。秦莊襄元。楚考烈十四。燕王喜六。魏安釐二。
子十八。趙孝成十七。韓桓惠二十四。齊王建十六年。是歲
東周亡。秦以呂不韋為相國。

封不韋為文信侯。食河南洛陽十萬戶。

秦滅東周。遷其君于陽人聚。

在今河南汝州
西。亦名陽人城。

東周君與諸侯謀伐秦。秦使呂不韋滅之。遷東周君于
陽人聚。周遂不祀。周自武王己卯受命。至赧王乙巳。凡
三十七王。三十三世。八百六十七年。又東周君七年。共
八百七十四年。

秦伐韓。取滎陽。

故城在今河南開封府滎澤縣西南。

成臯。

即春秋鄭虎牢。注見前。

秦界至大梁初置三川

注見前郡今河南府秦三川郡漢更名河南

楚滅魯

先是楚遷魯于莒

注見前

而取其地至是遂滅魯遷魯君

項公于卞

注見前

為家人周公不祀

魯自周公至項公凡三十四世

癸秦莊襄二楚考烈十五燕王喜七魏安釐二十年日食

丑九趙孝成十八韓桓惠二十五齊王建十七年

甲秦莊襄二楚考烈十六燕王喜八魏安釐三十秦伐魏

寅趙孝成十九韓桓惠二十六齊王建十八年

魏公子無忌率五國之師敗之追至函谷而還

秦使蒙驁

蒙氏以蒙山為氏驁齊人仕秦為上卿

伐魏拔高都

今山西澤州府鳳臺

縣高都

沒故城在今河南衛輝府汲縣西南

魏王患之使人請信陵君

信陵君不肯還其客毛公薛公

徒薛公隱于賣漿家信陵君從之游平原君聞而非之信陵君曰平原君徒豪

舉耳不求士也以無忌從此兩人游尚恐其不我欲也

秦自昭襄以後未嘗敗衄
唯無忌兩破秦軍其後黃
歇亦合五國伐秦乃至函
谷而敗走則無忌固戰國
之錚錚者

乃以為羞乎。及魏使至。信陵君誠門下勿許通。賓客莫敢勸。兩人獨往見。諫曰。公子所以重于諸侯者。徒以有魏也。今魏急而公子不恤。一旦秦克大梁。夷先王之宗廟。公子何面目立天下乎。語未畢。信陵君色變。趣駕還魏。魏王持信陵君而泣。以為上將軍。求援于諸侯。諸侯聞信陵君復為魏將。皆遣兵救魏。信陵君遂率五國之師。敗蒙驁于河外。胡三省注。自春秋之西為河外。晉賂秦以河外列城五。即其證也。追至函谷關而還。

五月。秦王楚薨。子政立。即始皇帝。

政生十三年矣。國事皆委于文信侯。號仲父。

乙。秦王政元。楚考烈十七。燕王喜九。魏安釐三十。秦鑿涇。卯。趙孝成二十。韓桓惠二十七。齊王建十九年。秦鑿涇

水。注見前。為渠。

韓欲疲秦。使無東伐。乃使水工鄭國為間于秦。鑿涇水。

自仲山

在今陝西西安府涇陽縣西北

為渠。並

步浪反。與傍通。

北山東注洛中。

作而覺。秦欲殺之。國曰。臣為韓延數年之命。然渠成亦

秦萬世之利也。乃使卒為之。

鄭渠故道。自今涇陽縣西北。分涇水東流。歷三原。富

平蒲城諸縣界。入沮洛。久堙。

注填闕

壅泥也。

之水。溉易鹵

鹵地也。

之地。四

萬餘頃。收皆畝一鍾。

六斛四斗。

由是秦益富饒。

丙秦王二。楚考烈十八。燕王喜十。魏安釐三十二。趙王丹辰。趙孝成二十一。韓桓惠二十八。齊王建二十年。

薨。廉頗奔魏。

趙使廉頗伐魏。取繁陽。

故城在今河南彰德府內黃縣東。

孝成王薨。太

子偃立。

是為悼襄王。

使樂乘代頗。頗怒。攻之。遂奔魏。魏不能

用。趙師數困于秦。趙王

悼襄王。

思復得頗。使使視頗。尚可

用否。頗之仇郭開多與使者金。令毀之。頗見使者。一飯斗米。肉十斤。被甲上馬。以示可用。使者還報曰。廉將軍老。尚善飯。然與臣坐。頃之。三遺矢矣。王遂不召。楚人迎之。頗一為楚將。無功。曰。我思用趙人。遂卒于楚。

丁秦王三。楚考烈十九。燕王喜十一。魏安釐三十。趙以李已三。趙悼襄元。韓桓惠二十九。齊王建二十一年。趙以李牧為將。

李牧者。趙北邊良將。嘗居代。

今宣化府蔚州。秦因之。雁門。今

西代州。趙為鴈門郡。秦因之。

備匈奴。

夏桀少子淳維。逃居北野。殷曰。獫狁。戰國以後曰匈奴。

奴。以便宜置吏。市租皆輸莫府。

莫亦作幕。古者出征。為幕帳。為府署。故名。為

士卒費。日擊數牛饗士。習騎射。謹烽火。多間諜。為約曰。

匈奴入盜。則急收保。

收畜產自保。

有敢捕虜者斬。如是數歲。

無所亡失。匈奴皆以爲怯。雖趙邊兵亦以爲怯。趙王使人讓之。牧如故。王怒。使人代之。屢出戰。不利。邊不得田畜。王復請牧。牧稱病不出。王彊起之。牧曰。必用臣。臣如前。乃敢奉令。王許之。牧之邊如約。匈奴數歲無所得。終以爲怯。邊士卒日得賞賜。皆願一戰。乃選車騎習戰。大縱畜牧。人民滿野。匈奴小入。佯北。以數十人委之。單于匈奴天子之稱聞之。大率衆入。牧乃多爲奇陳。張左右翼擊之。大破殺匈奴十餘萬騎。單于奔走。十餘歲不敢近趙邊。魏公子無忌卒。

秦旣敗于河外。使人行萬金以間信陵君。求得晉鄙客。令說魏王曰。公子亡在外十年矣。今復爲將。諸侯皆屬。

天下徒聞信陵君。不聞有王矣。秦王又數使人賀信陵君。曰。得爲魏王未也。魏王信之。使人代將。于是信陵君謝病不朝。日夜以酒色自娛。四歲而卒。

戊。秦王四。楚考烈二十。燕王喜十一。魏安釐三十四。趙悼
午襄二。韓桓惠三十。齊王建二十二年。是歲。魏安釐王卒。
太子增立。是
爲景湣王。秋七月。秦蝗疫。

先是。秦大饑。

在丁巳年。

至是。蝗疫。令民納粟千石。拜爵一級。

後五年。夏四月。秦大寒。民有凍死者。

庚。秦王六。楚考烈二十二。燕王喜十四。魏景湣二。
申趙悼襄四。韓桓惠三十二。齊王建二十四年。楚趙魏
韓衛合從以伐秦。至函谷。皆敗走。

諸侯患秦攻伐無已時。五國合從以伐之。楚王爲從長。

春。申君用事。取壽陵。

胡三省注。壽陵常在宜陽新城間。徐廣以爲在常山。非也。至函

前楚畏秦而遷于陳此復
畏秦而遷于壽春然不及
數年卒為秦并蘇賦所謂
畏敵遷都未有能存者實
至言

谷關秦師出五國兵皆敗走

楚遷于壽春

今江南鳳陽府壽州楚壽春邑考烈王徙都于此

朱英

觀津人

謂楚春申君曰先君時秦善楚二十年不攻

者踰黽阨

黽亦作冥塞名在今河南汝寧府信陽州東南有大小石門鑿山通道淮南子天下九塞

此其一也

今而攻楚不便假道兩周背韓魏而攻楚不

可今則不然魏且暮亡不能愛許鄢陵

注俱見前割以與秦

秦兵去陳百六十里臣見秦楚之日鬪也楚于是去陳

徙壽春命曰郢

衛徙居野王

注見前

秦拔魏朝歌

注見前

及衛濮陽

衛都注見前

衛君率其支屬徙

居野王阻其山以保魏之河內

衛元君魏之婿也魏殺懷君而立之故依于魏

癸秦王九楚考烈二十五燕王喜十七魏景湣彗星見

亥五趙悼襄七韓王安元齊王建二十七年長竟天既而見西方又見北方從斗以南八十日

秋九月秦嫪

即報反

毒

烏改反集覽嫪毒人姓名也

作亂伏誅夷三族

族

母族妻族也

秦王遷其太后于雍

注見前

初秦王即位年少太后時與文信侯私通王益壯文信

侯恐事覺及禍乃以舍人嫪毒詐為宦者進之生二子

封毒為長信侯政事皆決于毒至是有告毒實非宦者

王下吏治毒毒懼矯王御璽發兵為亂王使相國昌平

君昌文君

史失其姓名索隱昌平君楚公子也

攻毒毒戰敗走獲之夷三

族遷太后于雍薨陽宮

在今陝西西安府鄠縣西南秦惠文王所建

殺其二

子下令敢諫者死諫而死者二十七人齊客茅焦

周公

茅其後以請諫王大怒按劒而坐趣召鑊欲烹之焦徐
國爲氏行至前再拜謁起稱曰臣聞有生者不諱死有國者不
諱亡諱死者不可以得生諱亡者不可以得存死生存
亡聖主所急欲聞也陛下欲聞之乎王曰何謂也焦曰
陛下有狂悖之行車裂假父囊撲以囊投擲而擊殺之二弟遷母
于雍殘戮諫士桀紂之行不至于是令天下聞之盡瓦
解無嚮秦者臣竊爲陛下危之言已解衣伏質與鑽同王
下殿手接之爵以上卿自駕虛左方迎太后歸復爲母
子如初

楚王完薨盜殺黃歇

楚王無子趙人李園進其妹于春申君既有娠園使妹

說春申君曰。楚王無子。卽百歲後。將更立兄弟。彼亦貴其故所親。君又安得長保此寵乎。今妾有娠而人莫知。誠以君之重。進妾于王。賴天而有男。則是君之子爲王也。楚國可盡得矣。春申君乃出之。謹舍別爲館舍以居之。奉衛甚謹也。而進諸王。王召幸之。遂生男。立爲太子。園妹爲后。園亦貴用事。恐春申君泄其語。陰養死士。欲殺之以滅口。朱英知之。以告春申君。春申君曰。李園。弱人也。足下置之。英遂亡去。及楚王薨。園伏死士于棘門壽春城門名。之內。刺殺春申君。滅其家。太子立。名悍。是爲幽王。

甲。秦王十。楚幽一。燕王喜十八。魏景湣六。子。趙悼襄八。韓王安二。齊王建二十八年。冬十月。秦相國

呂不韋以罪免。

秦王以不韋奉先王功大。不忍誅。免就國。不韋既之國。
歲餘。諸侯使者請之。相望于道。秦王恐其為變。賜不韋
書曰。君何功于秦。封十萬戶。何親于秦。號稱仲父。其徙
處蜀。不韋恐誅。飲酖死。鳩鳥出南方。噉蝮蛇。以其羽畫酒中。飲之立死。
秦大索逐客。客卿李斯。楚上蔡人。從荀卿學。上書召復故
官。遂除其令。

秦宗室大臣議曰。諸侯人來仕者。皆為其主遊間耳。請
一切逐之。于是大索逐客。李斯亦在逐中。行且上書曰。
昔穆公求士。取由余。由余以下諸人。事俱見前。于戎。得百里奚于宛。
迎蹇叔于宋。求丕豹。公孫支于晉。并國二十。遂霸西戎。
孝公用商鞅。諸侯親服。惠王用張儀。散六國從使之事。

秦昭王得范雎，彊公室，杜私門。此四君者，皆以客爲功。由此觀之，客何負于秦哉？今乃不問可否，不論曲直，非秦者去，爲客者逐，棄黔首以資敵國，却賓客以業諸侯。此所謂藉寇兵而齎盜糧者也。王乃召斯，復其官，除逐客令，卒用斯謀。陰遣辯士，齎金玉遊說諸侯，厚遺結其名士，不可下者刺之，離其君臣之計。然後使良將將兵，隨其後，數年之中，卒兼天下。

丁秦王十二。楚幽四。燕王喜二十一。魏景湣九。趙幽繆二。韓王安五。齊王建三十一。年。秦伐趙。趙以

李牧爲大將軍，敗秦師于宜安。故城在今直隸真定府藁城縣西南。

秦桓齮桓以諡爲氏。齮秦將軍。伐趙，殺趙將扈輒。扈氏。夏有扈氏之後。趙以

李牧爲大將軍，復戰宜安。秦師敗績，桓齮奔還。趙封牧

爲武安君

戊辰秦王十四。楚幽五。燕王喜二十二。魏景湣。韓遣使稱藩于秦。

韓諸公子非。善刑名法術之學。見韓削弱。數以書干韓

王。王不能用。非作孤憤。

言孤直不容于時。

五蠹。

言蠹政之事有五。

說。

言游說之

難。道不易。等篇十餘萬言。至是。王使納地效。

呈獻也。

璽。

于秦。請爲藩臣。非因說秦王曰。大王誠聽臣說。一舉而

天下之從不破。趙不舉。韓不亡。荆魏不臣。齊燕不親。則

斬臣徇國。以戒爲王謀不忠者。王悅之。未用。李斯譖之。

下吏自殺。

斯與非同事。相卿。斯自以爲不如非。及非說秦王。斯害之。遂毀之于王。下吏治非。斯使人

遺非藥。令亟自殺。秦王。後悔殺非。非已死矣。

辛秦王十七。楚幽八。燕王喜二十五。魏景湣十三。趙秦滅

韓。虜王安。韓自景侯虔至王安。凡十一傳。而為秦所滅。

先是韓獻南陽。注見前。秦遣使發卒受地。尋使內史周官名。秦

因之。掌治勝。史記作騰。滅韓。虜王安以其地置潁川郡。今河南許

州。及開封府之禹州。新鄭。諸州縣皆秦潁川郡地。

王秦王十八。楚幽九。燕王喜二十六。魏景中湣十四。趙幽繆七。齊王建三十六年。趙殺其大將軍

李牧。

秦王翦潁陽東鄉人。伐趙。下井陘。今縣屬直隸真定府。縣西有井陘故關。淮南子九塞

之。趙使李牧禦之。秦多與趙嬖臣郭開金。使言牧欲反。

趙王使趙葱。顏聚代牧。牧不受命。遂捕殺之。

癸秦王十九。楚幽十。燕王喜二十七。魏景湣十五。趙幽繆西八。齊王建三十七年。是歲趙亡。楚幽王薨。庶兄負芻殺

御批歷代通鑑輯覽 卷之一

其弟郝而自立。魏景湣王薨。子假立。秦滅趙。趙自烈侯籍至幽繆王。凡十傳而為秦滅。虜王遷。

秦王如邯鄲。

王翦大破趙軍。殺趙葱。顏聚亡。遂克邯鄲。虜趙王遷。秦王如邯鄲。故與母家有怨者。皆殺之。王歸。王翦屯中山。

注見前。以臨燕。

趙公子嘉自立為代王。

初。趙王遷之母故倡也。嬖于悼襄王。王廢適子嘉而立遷。遷素無行。信讒。故用郭開。誅李牧。遷既為秦虜。嘉帥其宗數百人奔

代。自立為代王。趙亡。大夫稍稍歸之。與燕合兵軍上谷。

燕郡。括地志。上谷故城在媯州懷戎縣。懷戎。今宣化府懷來縣是。

甲。秦王二十。楚王負芻元。燕王喜二十八。戊。魏王假元。齊王建三十八。代王嘉元年。燕太子使盜劫

秦既舉趙勢必及燕即無
荆軻之事燕之亡固可翹
足而待世以挑兵構禍罪
丹者過甚然鞠武之言自
是正論丹以其曠日彌久
而妄思行險以徵幸固下
策耳

秦王不克秦遂擊破燕代兵進圍薊燕都今順天府大興縣

初丹嘗質于趙與秦王善及秦王即位丹質于秦秦王

不禮焉丹怒亡歸欲報秦王丹問其傳鞠武武請約諸侯購匈奴以圖之丹以曠

日彌久不能須也秦將軍樊於期周仲山甫封樊其後因以爲氏得罪亡之燕

丹受而舍之鞠武諫不聽丹聞衛人荆軻楚本曰荆其後亦

人謂之慶卿之燕燕人謂之荆卿賢卑辭厚禮而請見之謂曰丹誠得

天下之勇士使于秦劫秦王使悉反諸侯侵地若曹沫

之與齊桓公事見前則善矣不可則因而刺殺之惟荆卿

留意焉軻許之會秦滅趙丹懼欲遣軻軻曰行而無信

秦未可親也願得樊將軍首及燕督亢音剛燕膏腴地今順天府涿州

東南有督亢陂跨地圖以獻秦王丹曰樊將軍窮困來

歸。丹不忍也。軻私與於期謀。於期遂自刎。丹奔往伏哭。

然已無可奈何。乃函其首。又嘗豫求天下之利匕首。使

工以藥燂。

水與火合為燂。

之以試人。血濡縷。

血出如絲縷。

人無不立

死者。乃裝遣軻。

以燕勇士秦舞陽為之副。

使入秦。

太子賓客知其事者皆白衣冠送之。

易水上。軻之客高漸離擊筑。軻和而歌。曰。風蕭蕭兮。易水寒。壯士一去兮。不復還。遂就車而去。軻至咸

陽。見秦王。奉圖以進。

秦舞陽色變。軻顧笑。舞陽為謝。取圖奉之。

圖窮而匕首

見。軻把秦王袖。持匕首搥。

知鳩反。擊也。

之。未至身。秦王驚起。

袖絕。軻逐王。王環柱而走。秦法。羣臣侍殿上者。不得操

尺寸兵。左右以手共搏之。且曰。王負劒。王遂拔以擊軻。

斷其左股。軻引匕首擲王。不中。白知事不就。罵曰。事所

以不成者。欲生劫之。必得約契以報太子也。遂體解以

狗。秦王大怒，益發兵，就王翦于中山，與燕代戰易水西。

大破之，遂圍薊。燕王走遼東。燕郡地在遼東，故名。斬丹以獻于

秦。其後荆刺客高漸離以擊筑事秦，王置鉛籠中，扑秦王不中，被誅。

丙秦王二十二年，楚王負芻三，燕王喜三十，魏王假降，殺之，遂滅魏。魏自文侯斯至王假，凡九傳而為秦滅。

秦王賁王翦子伐魏，引河溝以灌大梁。禹貢雖指河溝，即鴻溝，亦曰蕩渠，水經注：渠在浚儀縣北，自王賁斷故渠，引水東南出，以灌大梁，謂之梁溝，于是水出縣南而不逕其北。

浚儀故縣在今開封府西北，即大梁城，魏所都也。三月，城壞，魏王請降，秦殺之。

而以魏地為郡縣。

戊秦王二十四，楚王負芻五，燕王喜三十二，秦滅楚，虜王

負芻。楚自熊繹始封至負芻，凡四十一傳而為秦滅。

寅齊建四十二，代王嘉五年，是歲楚亡。

秦滅楚，虜王

印比悉，直監真覽。卷之二十六國。三

楚屢為秦敗不振久矣必
需六十萬始能制勝史家
浮誇之辭耳兵在精不在
多二十萬已難必其紀律
之一勇銳之同況六十萬
乎

從打屋个退金車覽

卷之十一

初秦王問于李信

秦將

曰吾欲取荆。度用幾何人。信曰。

不過二十萬。問王翦。翦曰。非六十萬人不可。秦王曰。將

軍老矣。何怯也。乃使信及蒙恬

蒙騫之孫

將二十萬人伐楚。

翦謝病歸頻陽。

秦縣。故城在今陝西西安府富平縣東北。

已而李信敗楚軍。

引兵西與蒙恬會。楚人因隨之。三日三夜不頓舍。大敗

秦師。信奔還。秦王怒。自詣頻陽謝翦。強起之。使將六十

萬人伐楚。王親送至灞上。

灞水。在今陝西西安府城東。源出秦嶺。合滻水。北注于渭。

翦請美田宅甚衆。王曰。將軍行矣。何憂貧。既行。又使使

者數請之。或曰。將軍之乞貸亦已甚矣。翦曰。王怛

與粗通。

中而不信人。今空國委我。不請田宅以自堅。顧令王坐

而疑我矣。翦至平輿。

故城在今河南汝寧府汝寧縣東南。

楚人禦之。翦堅

壁不戰日休士洗沐而善飲食撫循之親與士卒同食

久之問軍中戲乎對曰方投石超距跳躍也翦曰可矣楚

旣不得戰引而東翦追擊大破之殺其將項燕燕之先世爲楚

將封于項故姓項氏楚師敗走翦乘勝略定城邑至是遂滅楚置

楚郡秦置楚郡治壽春兼有淮南之地

已秦王二十五年燕王喜三十三齊王建秦滅燕虜王喜滅

代虜王嘉燕自召公至王喜凡四十三傳而爲秦滅

秦大興兵使王賁攻遼東虜燕王喜還遂滅代虜王嘉

是年王翦定江南降百越置會稽郡秦會稽郡治吳縣兼有兩浙之地

EAST ASIAN LIBRARY
UNIVERSITY OF TORONTO LIBRARY

徐子居仁通鑑車覽

卷之一

三

御批歷代通鑑輯覽卷之十一

秦

起始皇二十六年庚辰至二世三年甲午凡二帝十五年

始皇帝

嬴姓

伯益之裔非子封秦詳見前

名政莊襄王子

生于趙故初姓趙氏後歸秦

嗣

爲王遂滅六國并天下

庚辰

二十六年王賁襲齊王建降遂滅齊

田齊自太公和至王建凡七傳而爲

秦所滅

初齊王建年少國事皆決于君王后

襄王后太史氏

君王后事

秦謹與諸侯信齊亦東邊海上秦日夜攻三晉燕楚五

國各自救以故王建立四十餘年不受兵及君王后卒

后勝

魯有郈氏其後去邑從后

相齊與賓客多受秦間金勸王朝秦

不修戰備不助五國攻秦秦以故得滅五國齊王將朝秦雍門司

馬曰所為立王者為社稷邪為王邪王曰為社稷司馬曰為社稷立王王何以去社稷入秦王乃還即墨大夫

聞之見王曰齊地方數千里帶甲數百萬今三晉大夫不便秦而在野阿之間者百數王收而與之數萬之眾

使收晉故地即臨晉之關可入矣鄆郢大夫不欲為秦而在城南下者百數王收而與之數萬之眾使收楚故

地即武關可入矣如此則齊威可立秦國可亡何西面而事秦邪王不聽臨晉關即古蒲津關今日大慶關

在同州府朝邑縣東餘注俱見前至是王賁自燕南攻齊倅入臨淄民

莫敢格者建遂降秦遷之共注見前處之松栢之間餓而

死齊人怨建聽姦人賓客不蚤與諸侯合從以亡其國歌之曰松栢栢邪住建共者客邪

初號皇帝除諡法

王既并天下令丞相御史秦官一名曰柱後史即周議杜下史也主四方文書

帝號于是丞相綰王綰御史大夫侍御史之率劫馮劫故稱大夫

廷尉

秦官。掌刑辟。

斯

李斯。

等皆曰陛下

陸階也。蔡邕曰。天子必有近臣。立于陛側。

羣臣與天子言。不敢指斥。故呼在陛下者與之言。因卑達尊之意也。

平定天下。海內為郡

縣。自上古以來。五帝所不及。臣等謹與博士

秦官。掌議通古今。

曰。古有天皇。地皇。泰皇。

史記索隱。秦史。人皇也。

泰皇最貴。請上尊

號。王為泰皇。命

除拜遣議曰命。

為制。

謂制度。

令布告中為詔。告

也。

天子自稱曰朕。

古者君臣之間。通稱曰朕。自秦定制。唯天子獨稱之。

王曰。去泰

著皇。采上古帝位號。號曰皇帝。他如議。追尊莊襄王為

太上皇。制曰。死而以行為謚。是子議父。臣議君也。甚無

謂。自今以來。除謚法。朕為始皇帝。後世以計數。二世三

世。至于萬世。傳之無窮。

定為水德。以十月為歲首。

五運終始識緯所祖說肇
于鄒衍用始于秦皇漢以

後遂因之改朔易服且遠
溯義農而相生相勝議如
衆訟不知帝王肇興本由
天命天命固不在五行之
數也更由八事人事亦不
在五行之數也以木金水
火土數為皇極運世之樞
紐其不經亦甚矣

兵器雖銷而揚竿斬木之
徒不旋踵而起究何益哉
至若書手禁挾弓弩對

初齊人鄒衍

鄒以邑為氏衍居齊稷下與鄒奭並著論

著終始五德之運

漢書注如淳曰衍書有五德終始五

之說始于鄒衍漢賈誼司馬遷從衍相勝之說劉向父子則以相生為言主相勝者以火能滅金即以火勝金金能剋木即以金勝木論相生者則曰帝出乎

震故庖犧氏始受木德

後以母傳子終而復始

用其說以為周得火德

胡三省注衍以周得火德蓋以

色尚赤

秦代周從所不勝為水德于是更命河為德水

始改年朝賀皆自十月朔衣服旌旄節旗皆尚黑

水北方故

黑數以六為紀

水成數六故以六事統尚法

殺故尚法令

分天下為三十六郡銷兵器徙豪傑于咸陽

丞相綰等言諸侯初破燕齊荆

避莊襄王諱故以楚為荆地遠不為

置王無以填之。請立諸子。始皇下其議。廷尉斯曰。周封子弟同姓甚衆。然後屬疏遠。相攻擊如仇讐。天子弗能禁。今海內賴陛下神靈。一統皆爲郡縣。諸子功臣。以公稅賦重賞賜之。甚足易制。天下無異意。則安寧之術也。置諸侯不便。始皇曰。天下共苦戰鬪不休。以有侯王。賴宗廟。天下初定。又復立國。是樹兵也。而求其寧息。豈不難哉。廷尉議是。分天下爲三十六郡。三川。河東。南陽。南潁川。碭郡。泗水。薛郡。東郡。琅琊。齊郡。上谷。漁陽。右北平。遼西。遼東。代郡。鉅鹿。邯鄲。上黨。太原。雲中。九原。雁門。上郡。隴西。北地。漢中。巴郡。蜀郡。黔中。長沙。凡三十五郡。與內史爲三十六郡。郡置守。掌治郡。佐守。典武監。御史掌職甲卒。監。監郡。更命民曰黔首。黔。黑也。凡民以黑收巾覆頭。故曰黔首。金人。凡十二。重各千天下兵聚咸陽。銷以爲鐘鐻。與虜同。音巨。所以懸鐘。

石置宮庭中。漢書五行志。始皇二十六年。有大人長五丈。足履六尺。凡十二人。見于臨洮。始皇以為瑞。銷兵器。作金人。一法度衡石丈尺。徙天下豪傑于咸陽。十二萬以象之。

築宮咸陽北坂

徐廣曰。在長安西北。漢武時。別名上。渭城。寰宇記。故渭城。在咸陽東北。

初。諸廟及章臺

在陝西西安府長安縣故城西南隅。上林。在長安縣西。及安縣故城西南隅。盤屋。鄠縣界。秦

舊苑。漢武帝更增廣之。

皆在渭南。及破諸侯。寫放其宮室。作之咸

陽北坂上。南臨渭。自雍門

徐廣曰。在高陵縣。高陵。注見前。

以東。至涇渭。

殿屋複道。

築起為道。不與民庶相雜。

周閣

周馳架木為棚而行。名曰閣道。

相屬。所得

諸侯美人鐘鼓。以充入之。明年復作信宮。

即長信宮。作于渭南。已而

以宮象天極。更名極廟。故址在今咸陽縣境。

及甘泉前殿。

關輔記。林光宮。一各甘泉宮。始皇造

在池陽縣西。池陽故城。在今西安府涇陽縣西北。

治馳道。

達曰。天子所行道。孔穎達曰。如今御路也。

天下

是年帝巡隴西。北地至雞頭山。過回中。秦隴西郡。今甘肅臨洮。鞏昌諸府地。北地郡。今甘肅平涼。

慶陽諸府地。雞頭山。亦曰笄頭山。在今平涼府平涼縣西。考史記黃帝西至崆峒。登雞頭。括地志以崆峒在肅州。雞頭在原州。又以雞頭為卽崆峒。今按史記原云。崆

峒。雞頭。白是兩山。括地志前說為是。後說為非。回中宮。在鳳翔府隴州西北。今日回城。

在鳳翔府隴州西北。今日回城。

壬午

二十八年。帝東巡。封泰山。

積土為封。謂負土于山上。禪壇而祭之。泰山。注見前。

梁父

除地為壇。後改曰禪。梁父。泰山下小山。在今山東泰安府新泰縣西。

遂遊海上。求神仙。

南渡江。乃還。

始皇東行郡縣。祠鄒嶧山。

亦曰繹山。在山東兗州府鄒縣東南。禹貢嶧陽。詩魯頌。鳧

此。釋。卽

頌秦功業。召魯儒生至泰山下。議封禪。

或曰古者封禪。為蒲

車。惡傷山之土石草木。掃地而祭。席用菹。菹。音租。茅藉也。稽讀曰戛。禾稟也。去其皮以為席。

始皇以其難施用。遂絀儒生。除車道。上自山陽至巔。立

石頌德。從陰道下。禪于梁父。封藏皆秘之。世不得而記

也。

始皇上泰山。中坂遇暴風雨。休于樹下。因封其樹為五大夫。

遂東遊海上。祠山川

八神。

史記封禪書。八神。一曰天主。祠天齊淵水。二曰地主。祠泰山梁父。三曰兵主。祠蚩尤。四曰陰主。祠三

山。五曰陽主。祠之罘。六曰月主。祠之萊。南登琅琊。山名。七曰日主。祠成山。八曰四時主。祠琅瑯。在今

山東青州府諸城縣東南。

作臺。

水經注。臺基三層。層高五丈。

刻石。

徙黔首三萬戶于臺下。立石刻

頌秦德。

初。燕人宋無忌。

史記索隱。白澤圖云。火之精。明得意。初。燕人宋無忌。曰。宋無忌。蓋其人也。火仙也。美

門子高。

綱目集覽。應劭曰。美門。古仙人也。字子高。居碣石山上。一曰美門高。

之徒。稱有仙

道形解。

卽尸解。

銷化之術。自齊威宣燕昭王。皆信之。使人

入海求蓬萊。方丈。瀛洲。云此三神山。在渤海中。

初學記。東海之

別有渤海。故東海共稱渤海。又曰滄海。

去人不遠。患且至。則風引船去。嘗

有至者。諸仙人及不死藥。皆在焉。

其物禽獸盡白。黃金銀爲宮闕。未至望之

鼎淪泗水及鼎出汾陰皆方士荒唐之說而秦皇漢武純迷一轡其識更出問鼎輕重者下矣

子房以蓋世才乃僥倖於鼎政荆軻之計蘇軾所論

如雲及到三神山反居水下至是方士徐市徐氏徐子臨之風輒引去終莫能至云為等上書請得齋戒與童男女求之於是遣市發童男

女數千人入海船交海中皆以風為解曰未能至望見

之焉始皇還過彭城注見前齋戒禱祠欲出周鼎泗水史記

封禪書秦滅周周九鼎入于秦或曰使千人沒水求之宋太邱社亡而鼎沒于泗水彭城下

弗得秦始皇求周鼎不得所謂鼎狀也乃西南渡淮浮

江至湘山祠湘山一名君山亦曰洞庭山在湖南岳州府巴陵縣西南洞庭湖中水經注是山湘

君之所遊處故曰君山湘君舜二妃也君山有湘妃廟逢大風幾不能渡上問湘

君何神博士對曰堯女舜妻葬此始皇大怒使刑徒三

千人伐湘山樹赭赤也其山遂自南郡注見前由武關歸

未二十九帝東遊至陽武秦縣今屬河南開封府韓人張良字子房皇

良是獨是秦法之嚴而大索十日不得此或史家行筆之誤然亦可見無同仇之心而峻網不足恃矣

秦本紀卷之二十一

五

甫謚曰良韓之公族。姬狙擊狙。狙屬。狙伺物必伏而候。誤之。故凡伏而擊者為狙擊。

中副車。屬車也。應劭漢官儀。令天下大索十日不得。

初韓人張良五世相韓。良大父開地。相韓昭侯宣惠王。襄哀王。父平。相釐王。桓惠王。

及韓亡良散千金之產弟死不葬欲為韓報仇始皇東

遊至陽武博浪沙中。今陽武縣有故城在縣東南。良令

力士操鐵椎。良嘗學禮淮陽東見倉海君。狙擊始皇誤

中副車始皇驚求弗得令天下大索十日良乃更姓名。

亡匿下邳。秦縣故城在今江南徐州府邳州東。

三十一年更名臘。禮記月令注臘即周禮所謂蜡祭也。蔡邕獨斷臘者歲終大祭縱吏民燕

飲。曰嘉平。

自惠文王十二年初臘至是改曰嘉平。茅盈內紀先是

仙得者茅初成。帝欲學之。臘嘉平。始皇是年。命黔首自聞之。欣然有尋仙之意。遂改臘曰嘉平。
實田自具頃畝實數也。

戊丙三十二年。帝巡北邊。使將軍蒙恬伐匈奴。

先是帝之碣石。

刻碣石門。壞城郭。決通隄防。孔安國書傳。碣石。海畔山。水經注。秦縣碣石山。

枕海。山有大石。如柱形。世名天橋柱。

秦縣故城。在今直隸永平府昌黎縣南。使燕人盧生。姜姓。

之後。封于盧。求羨門子高。還奏錄圖書曰。亡秦者胡也。以國為氏。

始皇乃巡北邊。遣將軍蒙恬發兵三十萬人北伐。蒙恬

斥逐匈奴。收河南地。

秦為新秦中。漢為朔方郡。隋唐為勝州。豐州。明為河套。今為鄂爾多

斯地。

為四十四縣。築長城。起臨洮。

秦縣。今甘肅鞏昌府岷州是。以地臨洮水故名。

洮水出鞏昌府洮州西傾山。

至遼東。

今盛京奉天府遼寧州府

遼東郡地。

延袤

延。長也。南

萬餘里。恬常居上郡。

今陝西綏

德州秦統治之

事在三

始皇復使恬除直道道九原

見注

前

抵雲陽

故城在陝西西安府涇陽縣西北

塹山堙谷千八百里數年

不就

事在三十五年

丁亥

三十三年略取南越

卽百越亦曰揚越漢書注南越芋姓與楚同祖國語曰芋姓夔越是

也

地置桂林

今廣西桂林平樂及梧潯柳諸府地

南海

今廣東廣韶潮惠肇高南雄諸府地

郡

其地廣遠今廣東廉雷二府廣西慶遠太平諸府及安南國皆是

發諸嘗逋亡人及贅壻

史記集解男無聘財以身自質于妻家曰贅索隱曰如人身之

有肱

賈人爲兵略取南越陸梁地

史記正義嶺南人多處山陸間其性強梁

故曰

置三郡以謫徙民五十萬人

戍五嶺

水經注五嶺最東曰大庾

第二

曰騎田第三曰都龐第四曰萌渚最西曰越城

大庾在今廣東南雄府保昌縣北騎田一曰上嶺山又曰黃岑山在今湖南郴州南都龐亦曰永明嶺在今湖南永州府永明縣北萌渚在今永州府江華縣西南越

城亦曰始安嶺。在今廣西桂林府興安縣北。與越雜處。

彗星見。

子戊三十四年。燒詩書百家語。

始皇置酒咸陽宮。僕射

秦官。顏師古曰。僕主也。射如字。古者重武事。每官必有主射督

課之。周青臣

周之後。人號曰周家。因以為氏。

進頌曰。陛下平定海內。以

諸侯為郡縣。上古所不及。始皇悅。博士淳于越

春秋州公。亦曰

淳于公。其後以國為氏。

曰。殷周之王千餘歲。封子弟功臣。自為枝

輔。今陛下有四海。而子弟為匹夫。卒有田恒六卿之臣。

田恒篡齊。六卿分晉。事俱見前。

何以相救。事不師古而能長久。非所聞

也。始皇下其議。丞相李斯言。五帝不相復。三王不相襲。

越言乃三代之事。何足法也。異時諸侯並爭。厚招遊學。

淳于越泥於師古。李斯駁之。固是然。因此而盡燒詩書。則大非聖無法。不特懲熱毒而吹蓬矣。

今天下已定。法令出一。諸生不師今而學古。聞令下。則各以其學議之。入則心非。出則巷議。誇主以爲名。異趣以爲高。率羣下以造謗。如此弗禁。則主勢降乎上。黨與成乎下。臣請史官非秦記。皆燒之。非博士官所職。天下有藏詩書百家語者。皆詣守尉雜燒之。偶語詩書者棄市。以古非今者族。吏見知不舉。與同罪。令下三十日不燒。黥爲城旦。黥。墨刑。城旦。旦起行治城。四歲刑也。所不去者。醫藥。卜筮。種樹之書。欲學法令者。以吏爲師。制曰可。

已丑

三十五年。營朝宮。作前殿阿房。

亦曰阿城。在陝西西安府長安縣西北。史記阿

房宮未成。成欲更名之。作宮阿房。故天下謂之阿房宮。索隱此以形少名宮。言其四阿旁廣也。

始皇以咸陽人多。先王宮廷小。乃營朝宮渭南上林苑。

中先作前殿阿房東西五百步南北五十丈上可以坐

萬人下可以建五丈旗周馳爲閣道自殿下直抵南山

在西安府南自終南太白連延至商嶺皆是表山巔以爲闕複道渡渭屬之

咸陽隱宮史記正義餘刑見于市朝宮刑一百徒刑役

也以罪供徭作者七十餘萬人分作阿房驪山關中關中記東

至隴關二關之間謂之關中計宮三百關外四百餘因徙三萬家驪

邑臨潼縣東有驪戎城秦驪邑漢改曰新豐五萬家雲陽注見盧生說始皇

微行以辟惡鬼所居宮毋令人知然後不死之藥始可

得也始皇乃令咸陽旁三百里內宮觀複道相連帷帳

鐘鼓美人充之各按署不移徙所行幸有言其處者死

于是羣臣莫知行之所在受決事者悉于咸陽宮始皇嘗從

梁山宮。望見丞相車騎甚衆。弗善也。或告丞相。丞相損之。始皇怒曰。此中人泄吾語。捕時在旁者盡殺之。梁

山宮。在陝西乾州永壽縣西北。

阬諸生。使長子扶蘇監蒙恬軍。

侯生。

說苑曰。韓客。

盧生相與譏議始皇。因亡去。始皇聞之。大

怒曰。諸生或爲妖言以亂黔首。使御史按問之。

秦制。御史掌討。

姦猾。治。

諸生傳。

音轉。

相告引。乃自除犯禁者四百六十

餘人。皆阬之咸陽。

臨潼縣西南。舊有阬儒谷。唐明皇改曰旌儒鄉。

長子扶蘇諫

曰。諸生皆誦法孔子。今以重法繩之。臣恐天下不安。始

皇怒。使北監蒙恬軍于上郡。

庚寅

三十六年。星隕東郡。

秦取魏地。置東郡。治濮陽。今直隸大名府開州是。

爲石。

有墜星下東郡。至地爲石。或刻其石曰。始皇死而地分。

使御史逐問。莫服。盡誅石旁居人。燔其石。是秋。有使者

華陰。有人持璧遮使者曰。為吾遺湫池君。因言曰。今年祖龍死。使者問其故。忽不見。置其璧去。使者奉璧具以

聞。始皇默然良久。曰。山鬼固不過知一歲事。退而使御府視璧。乃二十八年行渡江所沉璧也。湫池君服虔

曰。水神也。祖龍。蘇林曰。祖始也。龍。人君象。謂始皇。

辛卯三十七年。帝東巡至沙邱。注見前。崩。丞相李斯宦者奄宦中官

也。趙高諸趙疏遠屬。矯遺詔。立少子胡亥為太子。殺扶蘇及蒙

恬。還至咸陽。胡亥襲位。是為二世皇帝。

十月癸丑。始皇出游。丞相斯從。少子胡亥愛慕。請從。許

之。至雲夢。澤名。在今湖北德安府安陸縣南。本二澤。雲

聚落。因併稱。望祀虞舜于九疑山。在今湖南永州府寧遠縣南。九峯相似。望

之曰雲夢。而疑之。浮江下渡海渚。史記正義。括地志以海渚在舒州。按舒州在江之中。疑海字誤。

過丹陽

秦縣故城在今太平府當塗縣東名丹陽鎮考

丹陽有楚丹陽吳丹陽楚丹陽熊繹所封在今歸州及枝江者是也吳丹陽秦為縣漢因之在當塗者是也後漢武帝置丹陽郡乃于縣稱小丹陽以別之

至錢塘

今縣浙江臨浙江中渡乃西百二十里從陞

今杭州府餘杭縣

上會稽

注見前

祭大禹望于南海立石頌德還

過吳從江乘

故城在今江寧府句容縣北

渡並海上北至琅琊之朶

山名在今山東登州府福山縣東北

見巨魚射殺之

始皇夢與海神戰如人狀占之博士曰神

不可見以大魚蛟龍為候乃命以連弩候魚出射之自琅琊至成山弗見至之朶見巨魚射殺一魚西至

平原津

平原趙邑注見前

而病始皇惡言死羣臣莫敢言死事

病益甚乃令中車府令

秦官屬太僕

行符璽事趙高為書賜

扶蘇曰與喪會咸陽而葬未付使者七月始皇崩于沙

邱丞相斯恐諸公子及天下有變秘不發喪棺載輶涼

車卧車也。有牕牖。閉則溫。開則涼。故名。後因載喪。飾以柳翬。遂爲喪車。中。所至上食奏事如故。獨胡亥。趙高。及所幸宦者五六人知之。初。始皇尊寵蒙氏。恬任外將。恬弟毅常居中參謀議。名爲忠信。趙高者。生而隱宮。始皇聞其強力通獄法。以爲中車府令。使教胡亥決獄。嘗有罪。使毅治之。毅當高法。應死。始皇赦之。復其官。高旣幸於胡亥。又怨蒙氏。乃與胡亥謀。詐以始皇命誅扶蘇。而立胡亥爲太子。胡亥然之。高曰。不與丞相謀。恐事不成。乃見李斯曰。上賜長子書。及符璽。皆在胡亥所。定太子在君侯與高之口耳。事將何如。斯曰。安得亡國之言。此非人臣所當議也。高曰。君侯材能智慮。功高無怨。長子信之。孰與蒙恬。斯曰。皆不及也。高

曰。長子卽位。必用恬爲丞相。君侯終不懷通侯。應劭曰。舊曰徹。

侯。徹。通也。言其上通王室也。後避漢武諱。故曰通侯。之印歸鄉里。明矣。胡亥仁慈

篤厚。可以爲嗣。願君審計而定之。斯以爲然。乃相與矯

詔立胡亥爲太子。更爲書賜扶蘇。數以不能立功。數上

書誹謗怨望。而恬不矯正。皆賜死。扶蘇發書泣。欲自殺。

恬曰。陛下使臣將三十萬衆守邊。長子爲監。此天下重

任也。今一使者來。安知其非詐。復請而死。未暮也。扶蘇

曰。父賜子死。尚安復請。卽自殺。恬不肯死。使者屬吏繫

諸陽周。故城在今甘肅慶陽府真寧縣北。更置李斯舍人爲護軍。秦有護軍。

都尉。還報。胡亥知扶蘇已死。卽欲釋恬。會毅出禱山川還。

高曰。先帝欲立太子久矣。而毅以爲不可。不若誅之。乃

繫諸代遂從井陘抵九原。會暑輜車臭乃詔從官令車載一石鮑魚以亂之。鮑魚

也。從直道至咸陽發喪胡亥襲位趙高用事日夜毀

惡蒙氏二世遂殺恬兄弟。兄子嬰諫曰蒙氏秦之大

人是使羣臣不相信而鬪士之意離也二世不聽使御史曲宮之代賜毅死又遣使者至陽周恬對使者曰吾積功信于秦四世矣今將兵三十餘萬身雖囚繫其勢足以倍畔然自知必死而守義者不敢辱先人之教而忘先帝也乃吞藥自殺。

九月葬驪山。

下錮三泉。

治銅錮塞下至三重之泉。

奇器珍怪徙藏滿之令匠作機

弩有穿近者輒射之以水銀為百川江河大海機相灌

輸上具天文下具地理後宮無子者皆令從死葬既已

工匠為機者盡閉之無復得出。

二世皇帝

壬辰元年。綱目于是歲即分列楚趙齊燕魏諸國考諸國不久即滅亡今不更為分注一年三年所建國亦倣此。冬十月大赦。

春帝東行至碣石並海南至會稽而還。

二世東行郡縣李斯從盡刻始皇所立刻石旁著大臣從者姓名以章先帝成功盛德。

夏四月殺諸公子公主。

二世謂趙高曰人生居世間猶騁六驥過決隙

決裂也裂開之

隙言其狹小也吾欲悉耳目之所好窮心志之所樂以終吾

年壽可乎高曰此賢主之所能行而昏亂主之所禁也然沙邱之謀諸公子及大臣皆疑焉今陛下初立此其

意怏怏皆不服。恐爲變。陛下安得爲此樂乎。二世曰。爲之奈何。高曰。嚴法刻刑。誅滅大臣宗室。收舉遺民。貧者富之。賤者貴之。盡除故臣。更置所親信。陛下則高枕肆志寵樂矣。二世然之。乃更爲法律。益務刻深。大臣諸公子有罪。輒下高鞠治。公子十二人。僇死咸陽市。十公主

砑

竹格反。砑也。

死于杜。

卽杜陵。故城在西安府咸寧縣東南。

相連逮者不可勝

數。

公子將閭昆弟三人。囚于內宮。將殺之。將閭仰而呼天者三。兄弟皆自殺。公子高欲奔。恐收族。上書請從

死。

先帝得葬驪山之足。二世大悅。賜錢以葬。

復作阿房宮。

初。始皇作阿房。未就而崩。遂罷其役。至是。二世復營之。

并徵材士。

如淳曰。有材多力之士。

五萬人爲衛。狗馬禽獸。當食者

多調郡縣轉輸菽粟芻橐皆令自齎糧食咸陽三百里內不得食其穀。

秋七月陳勝

字涉陽城人。

吳廣

字叔陽夏人。

起兵于蘄

今江南鳳陽府宿州南蘄

縣故城是。

勝自立為楚王以廣為假王擊滎陽

注見前。

是時發問左

問里門應劭曰秦以謫發戍先發吏有過及贅壻賈人嘗有市籍者曹輩盡復入問

取其左發之未及發右而秦亡。

戍漁陽

故城在順天府密雲縣西南

者九百人屯大澤鄉

在宿州西南

陳勝吳廣為屯長會天大

雨道不通度已失期法皆斬勝廣乃相與謀

勝曰天下苦秦久矣

今誠以吾眾為天下倡宜多應者廣以為然。

共殺將尉

尉官名將領戍卒故曰將尉。

召令

徒屬曰公等皆失期當斬假令毋斬而戍死者固什六

七且壯士不死則已死即舉大名耳王侯將相寧有種

平衆皆從之。乃詐稱公子扶蘇。扶蘇被殺。百姓未知其死。項燕。燕之

以爲亡去。爲壇而盟。稱大楚。勝自立爲將軍。廣爲都尉。攻大

澤鄉。拔之。攻蕲。蕲下。徇蕲以東。行收兵。比至陳。車六七

百乘。騎千餘。卒數萬人。陳守丞戰死。遂入據之。初。大梁

人張耳。陳餘。耳及魏公子無忌時爲客。餘年少。父事耳。爲刎頸交。在陳。爲里監門。

秦滅魏。重賞購二人。二人變。姓各俱之。陳。爲監門以自食。陳勝旣入陳。耳餘詣門上

謁。勝素聞二人賢。見之。大喜。陳中豪傑父老。請立勝爲

楚王。勝以問耳。餘對曰。秦爲無道。滅人社稷。暴虐百姓。

將軍出萬死之計。爲天下除殘。今始至陳而王之。示天

下私。願將軍毋王。急引兵而西。遣人立六國後。自爲樹

黨。如此。野無交兵。六國皆爲與國。則兵不交鋒。誅暴秦。據咸陽。以令

諸侯則帝業成矣。不聽。遂自立為王。號張楚。劉德曰。若云張大楚。

國也。

勝少時嘗與人傭耕。隴上。悵然甚久。曰。苟富貴。

無相忘。傭者笑曰。若為傭耕。何富貴也。勝太息曰。嗟乎。

燕雀安知鴻鵠之志哉。及為王。其故嘗與傭耕者聞之。

乃之陳。伺勝出。遮道而呼。勝乃載與俱歸。入宮。見殿屋。

帷帳。曰。夥頤。涉之為王。沈沈者。當是時。諸郡縣苦秦。

夥頤。方言嘆其物盛大而多之辭。

法皆殺其長吏以應勝。使從東方來。以反者聞。二世怒。

下之吏。後至者曰。羣盜鼠竊狗偷。郡守尉方捕逐。今盡

得。不足憂也。乃悅。勝以廣為假王。監諸將。擊滎陽。廣尋

為裨將。田臧所殺。

廣圍滎陽。李斯子由為三川守。拒之。廣不能下。田臧以廣不知兵。矯勝令。

殺之。而奉其首于勝。勝即以臧為

上將。西迎秦軍。臧敗死。事在二年。

楚遣諸將徇趙魏。以周文為將軍。將兵至戲。今臨潼縣東。

水所逕。戲水。

秦官掌山林。

章邯。齊太公支孫。封邯。其

出驪山。入渭。

少府池澤之稅。

後去邑為章氏。邯字

臣涉驅成卒假楚號所謂
烏合除難者流安能成事
哉孔鮒以聖裔負禮器而
為之臣豈誠如史遷所云
積怨而發憤於涉乎未幾

少拒之楚兵敗走。綱目于是條大書楚以周文為將軍。將
兵伐秦。劉友益曰。夷秦于列國也。考史
例。紀一朝之事。則以一朝為統。秦雖無道。二世猶居帝位。
綱目既用以紀年。不應直斥為秦。且于此以後。既已書秦。
而望夷之弑。則又書帝。書法亦不書一。今于提綱改書其
目及分注。依左傳稱周人之例。仍稱秦。漢以後各朝皆同
此。

張耳陳餘請兵畧趙地。勝以所善陳人武臣。武氏。宋武
公之後。以

諡為為將軍耳。餘為校尉。予卒三千人徇趙。又令魏人

周市徇魏。聞周文陳之賢人。文名章。嘗為項燕軍視日。
事春申君。視日。占時日

吉凶習兵。與之將軍印。使西擊秦。勝既遣周文有輕秦

之意。不復設備。博士孔鮒。斌之子。字子魚。孔子八世孫。
陳涉之王。魯諸生持孔氏禮

器歸之。故鮒諫曰。臣聞兵法。不恃敵之不我攻。恃吾之

為涉博士。不可攻。今王恃敵而不自恃。若跌而不振。悔無及也。不

涉敗鮒亦與之俱死固昧
于所從矣

聽文行收兵車千乘卒數十萬至戲軍焉二世乃大驚
少府章邯請赦驪山徒悉發以擊楚軍大敗之周文走

出關至澠池自
刎死事在二年

八月楚將武臣自立為趙王

武臣等從白馬渡河

白馬津名
注見前

收兵得數萬人號武信

君下趙十餘城餘皆城守乃引兵擊范陽

秦縣故城在
今直隸保定

府定

范陽人蒯徹

晉大夫蒯得食采于蒯後以為
氏徹史記避漢武諱改曰通

說武

臣曰范陽令徐公畏死而貪欲降君君無以為秦所置

吏誅殺而以侯印授之使馳驅燕趙之間則燕趙諸城

可無戰而降矣從之不戰而下者三十餘城張耳陳餘

怨陳王不以為將軍而以為校尉又聞周文敗走乃勸

武臣自立為趙王。餘為大將軍。耳為丞相。使人報陳王。陳王大怒。欲族武臣家。柱國房君姓蔡名賜上蔡人為勝上柱國諫曰。秦未亡而誅武信君等家。此生一秦也。不如因而賀之。使急引兵擊秦。陳王從其計。使使者賀趙。趣發兵西入關耳。餘勸武臣母西兵。而北徇燕代。南收河內。以自廣。武臣以為然。因不西兵。使韓廣畧燕。李良畧常山。張麇畧上黨。

九月。劉邦起兵于沛。

今縣屬江南徐州府。

自立為沛公。

漢高祖事始此。

劉邦字季。沛豐邑。

應劭曰沛縣豐鄉也。

中陽里人。為人隆準龍顏。

隆高準鼻。顏額額也。

愛人喜施。意豁如也。有大度。不事家人生產。

作業。初為泗上亭長。

秦法十里一亭。亭長主亭之吏。今沛縣東有泗水亭。括地志。漢高祖

斬蛇夜哭雲氣上覆多吏
臣附會與王之詞然以此
而惑衆煽亂者亦有之矣

微時爲亭長于此常繇咸陽縱觀秦單父秦縣故城在今山東曹州

府軍人呂公好相人奇其狀貌以女妻之即呂后既而爲

縣送徒驪山徒多道亡自度比至皆亡之到豐西止飲

夜乃解縱所送徒曰公等皆去吾亦從此逝矣徒中壯

士願從者十餘人季被酒夜徑澤中有大蛇當徑季拔

劍斬蛇有老嫗哭曰吾子白帝子也化爲蛇當道今赤

帝子殺之因忽不見季亡匿芒碭山在徐州府碭山縣東與河南歸德府

永城縣中數有奇怪所居上常有雲氣呂后與人從往即得之沛中子弟聞

之多欲附者及陳勝起沛令欲應之掾主吏秦制官各

曰掾副曰屬蕭何曹參蕭與曹皆以國爲主吏功曹也曰君爲秦吏

今背之恐子弟不聽願召諸亡在外者以劫衆乃召劉

季季之眾已數十百人矣令悔閉城欲誅蕭曹劉季季

乃書帛射城上遭沛父老為陳利害父老乃率子弟殺

令迎季立以為沛公蕭曹為收子弟得二三千人以應

諸侯祠黃帝旗幟皆赤

楚項梁起兵于吳

項梁下相故城在今江南徐州府宿遷縣西人楚將項燕子也嘗殺人

與兄子籍避仇吳中吳中賢士大夫俱出其下吳中每有大繇

役及喪梁常主辦陰用兵法部勒賓客及子弟以是知其能籍字羽少時學書不成

去學劍又不成梁怒之籍曰書足記姓名而已劍一人

敵不足學學萬人敵梁乃教籍兵法籍大喜畧知其意

又不肯竟學籍長八尺餘力能扛舉也鼎才器過人始

東遊會稽渡浙江梁與籍觀籍曰彼可取而代也梁掩其口曰無妄言族矣會稽守殷通王

克商子孫分散以殷為氏素賢梁聞陳勝起欲發兵應勝使梁將梁

請召籍籍入梁胸音舜動目而使之也籍拔劍斬守梁持守頭

佩其印綬門下驚擾籍所擊殺數十百人府中皆讐伏莫敢起召故所知豪吏諭

以所為起大事遂舉吳中兵收下縣得精兵八千人梁部

署豪傑為校尉候司馬有一人不得官自言梁曰某時某喪使公主某事不能辦以故不任公衆乃皆服梁

自為會稽守籍為裨將籍時年二十四

齊田儋自立為齊王

儋故齊王族也與從弟榮榮弟橫皆豪健宗彊能得人

周市畧地至狄注見前儋殺狄令而召豪吏于弟曰諸侯

皆反秦自立齊古之建國儋田氏當王遂自立擊市走

之東畧定齊地。

趙將韓廣自立爲燕王。

韓廣至燕。燕豪傑立以爲王。

廣以其母在趙。不許燕人曰。楚不敢害趙王將相之

家。趙安敢害將軍母乎。廣乃立。居數月。趙奉其母歸之。

趙王與張耳。陳餘。北畧地。

燕界。趙王間出。爲燕軍所得。囚之。欲求割地。使者數往。

燕輒殺之。有廝養。

韋昭曰。析薪爲廝。炊烹爲養。

卒走燕壁。見燕將曰。

君知張耳。陳餘何欲。曰。欲得其王耳。卒曰。君未知此兩

人所欲也。夫武臣。張耳。陳餘。杖馬箠。下趙數十城。此亦

各欲南面而王。顧其勢初定。且以少長。先立武臣。今趙

地已服。此兩人方欲分趙而王。今君乃囚趙王。此兩人

名爲求王。實欲燕殺之。而分趙自立。夫以一趙。尙易燕。

況以兩賢王。左提右挈。而責殺王之罪。滅燕易矣。燕將乃歸趙王。卒爲御而歸。

楚將周市立魏公子咎爲魏王而相之。

周市已定魏地。魏人欲立爲王。市曰。天下昏亂。忠臣乃見。必立魏王後乃可。齊趙各遣使立市。市不受。時魏故

公子甯陵君咎。

甯陵注見前。

在陳王所。市迎之。使五反。陳王

乃遣咎。市立爲王而相之。

廢衛君角爲庶人。

衛自康叔至君角凡三十七傳而爲秦滅。

初。秦并天下。而衛獨存。至是。二世廢之。衛祀遂絕。

癸巳

二年。趙將李良弑其君武臣。張耳陳餘立趙歇爲王。

李良已定常山。還報。趙王復使畧太原。至井陘。還請益。

兵。時秦兵方塞井陘道。道逢趙王姊。良以爲王。伏謁道旁。王姊醉。

不知其將。使騎謝之。良起。慚其從官。從官或請追殺之。

良先得秦將書。詐爲二世招良。意欲反趙。未決。因此怒。

使人追殺王姊。遂襲邯鄲。殺武臣。趙人多爲張耳。陳餘。

耳目者。故兩人得脫。收散兵。得數萬人。擊李良。良敗。走。

歸章邯。客或說耳。餘曰。兩君羈旅。難可獨立。立趙後。輔。

以誼。可就功。乃求得歇。立之。居信都。今直隸冀州是。故城在州治東北。

章邯等擊敗楚軍。楚莊賈弑其君勝。降。呂臣討殺賈。復以。

陳爲楚。

二世益發兵。遣長史。秦官。丞相屬。司馬欣。都尉。秦官名。董翳。晉董

狐之佐章邯。擊楚柱國房君。殺之。又進擊陳西軍張賀。

陳王出監戰軍敗張賀死臘月張晏曰秦之臘月夏之九月陳王至

下城父

今江南潁州蒙城縣西北有下城父聚以近故城父縣故加下其御莊賈殺之

以降陳王故涓人

即中涓顏師古曰主居中而潔除之人呂臣為蒼頭軍

蒼頭注見前

起攻陳殺賈復以陳為楚葬陳王子于碭今江南徐州府

碭山縣有故碭城在縣南

諡曰隱

初勝既為王故人皆往依之妻之

拜妻之父怒而去故人出入或言勝故情勝聞而斬之

以苛察為忠諸將不親附以及于敗

秦嘉

魯有秦堇父其後以邑為氏又嬴秦之支以國為氏立景駒楚公族為楚王

陳王初起時凌

秦縣故城在今江南徐州府宿遷縣東南秦嘉銍秦縣今江南鳳

陽府宿州西南有銍城

人董緤符離

今宿州

人朱雞石取慮

秦縣故

城在今徐州府睢寧縣西南

人鄭布徐

本徐國楚滅之為縣徐國注見前

人丁疾等

皆特起將兵圍東海。今江南海州。守于郯。今郯城縣屬。陳王

聞使武平君畔為將軍。監郯下軍。秦嘉不受命。自立為

大司馬。殺武平君畔。及陳王軍破。嘉乃立景駒為楚王。

左右校。秦官。即左右校尉。攻陳。下之。呂臣走。得英布。英氏。皐陶之後。以國為氏。

軍。還復取陳。

英布。六。春秋六國。秦為縣。六國。注見前。人嘗坐法黥。故曰黥布。論輸驪山。驪

山之徒數十萬人。布皆與其徒長豪傑交通。乃亡之江

中。為羣盜。番陽。今縣曰鄱陽。屬江西饒州府。令吳芮甚得江湖間心。

號曰番君。布往見之。其眾已數千人。番君以女妻之。使

將其兵擊秦。呂臣方敗走。與布遇。乃以其兵還破秦軍。

陳復為楚。布引兵而東。

沛公得張良。以爲廐將。主馬官。

初沛公破秦軍于豐。

秦爲鄉。今縣屬徐州府。

令雍齒

雍氏。周雍伯之後。以國爲

氏守之而之薛。

注見前。

齒雅不欲屬沛公。魏人招之。卽反

爲魏守豐。沛公引兵攻之。不能取。聞景駒新立在留。

秦縣。

今爲留城鎮。在徐州府沛縣東。

往從之。時張良亦聚少年百餘人。欲往

從景駒。遇沛公于下邳。

注見前。

遂屬焉。沛公拜良爲廐將。

良數以太公兵法說沛公。沛公善之。常用其策。爲他人

言。皆不省。良曰。沛公殆天授。遂留不去。

景駒使沛公與秦戰。不利。攻碭。

拔之。得兵五六千人。還擊豐。不下。

項梁擊景駒。殺之。夏六月。立楚懷王孫心爲楚懷王。韓公

子成爲韓王。

廣陵

今江南揚州府治。秦為廣陵縣。

人召平。

召氏。召公之。後以邑為氏。

為楚徇廣陵。

未下。聞陳王敗。乃渡江。矯王令。拜項梁為上柱國。曰。江

東已定。急引兵西擊秦。梁乃以八千人渡江而西。聞陳

嬰已下東陽。

秦縣。故城在今江南泗州天長縣西北。

遣使欲與連和俱西。

陳嬰者。故東陽令史。素信謹。稱長者。東陽少年殺其令。相聚二萬人。欲立嬰為王。嬰母曰。暴得大名不祥。不如

有所屬。事成猶得封侯。事敗易以亡。非世所指名也。嬰乃謂軍吏曰。項氏世世將家。有名于楚。今欲舉大事。將

非其人。不可。眾從之。嬰以兵屬梁。及渡淮。英布。蒲將軍亦以兵屬

焉。梁眾凡六七萬人。軍下邳。梁曰。陳王首事。戰不利。未

聞所在。今秦嘉立景駒。大逆無道。乃進兵擊殺嘉。駒走

死。至薛。沛公往見之。梁予卒五千人。還拔豐。

雍齒。

使項

羽攻襄城。

注見前。

不下。已拔皆坑之。梁聞陳王定死。召諸

范增請立楚後與張良請
立韓後跡同而心異一則
始終欲為韓報仇一則第
因民望所屬而已其後義
帝立未久即遭江中之弑
增不聞置一詞此蘇軾所
以致論也固不可與良同
目語矣

別將會薛計事

時沛公亦從沛往

居鄆

亦作巢秦縣故城在今江南廬州府巢縣人

范增年七十好奇計往說梁曰陳勝敗固當夫秦滅六

國楚最無罪自懷王入秦不反楚人憐之至今故楚南

公

漢書藝文志南公三十一篇陰陽家流

曰楚雖三戶亡秦必楚

言楚怨秦雖三

戶猶足亡秦後項羽破章邯于三戶津邯降羽秦遂亡乃讖也今勝首事不立楚後而

自立其勢不長今君起江東楚蠡起之將皆爭附君者

以君世世楚將為能復楚之後也梁然其言乃求得懷

王孫心于民間為人牧羊六月立以為楚懷王從民望

也都盱眙

今縣屬江南泗州

以陳嬰為上柱國梁自號武信君

張良說梁曰君已立楚後韓公子橫陽君成最賢可立

為王益黨梁從之立為韓王以良為司徒西畧韓地

得數城。秦輒復取之。往來為游兵。潁川。秦郡。注見前。

章邯擊魏。齊楚救之。齊王儋魏相市敗死。魏王咎自殺。

章邯擊魏王于臨濟。

後漢書郡國志。陳留郡平邱。有臨濟亭。齊田儋死此。平邱。注見前。

魏使周市求救于齊楚。齊王及楚將項它皆將兵隨市救魏。章邯夜銜枚擊大破之。殺齊王及周市。魏王為其民約降。約定。自燒殺其弟豹走楚。

齊人立田假為王。故王儋弟榮遂假立儋子市為王而相之。

假王建弟也。齊人聞田儋死立以為王。田角為相。田間

為將。儋弟榮收儋餘兵走東阿。

春秋柯邑。秦曰東阿。柯邑。注見前。章邯

追圍之。項梁引兵擊破章邯軍。章邯走而西。田榮東歸。

項梁獨追北。

梁別遣項羽沛公攻城陽屠之復攻定陶西畧地至雍邱與秦軍戰破之斬李由。

城陽定陶雍邱注俱見前。

八月。

田榮逐王假。

假亡走楚田角走趙田間前使趙因留不敢歸。

立儋子市爲王。榮相之。田橫爲將。平齊地。

項梁追逐秦軍數使使者。

趣齊兵俱西。榮曰。楚殺田假。趙殺田角。田間乃發兵。楚趙不許。田榮怒。終不肯出兵。

下右丞相去疾。左丞相斯。吏去疾自殺。斯要斬夷三族。以

宦者趙高爲中丞相。

二世數誚讓李斯。居三公位。如何令盜如此。斯恐懼。重

爵祿。不知所出。乃阿二世意。請修申韓之術。行督責之

道。且言督責必。則所求得。羣臣百姓救過不給。何變之

敢圖。二世悅。于是行督責益嚴。刑者相半于道。民益駭

懼。思亂。郎中令趙高恃恩專恣。多以私怨殺人。恐大臣

言之。乃說二世曰。天子所以貴者。但以聞聲。羣臣莫得見其面。故號曰朕。且陛下富于春秋。未必盡通諸事。今坐朝廷。譴舉有不當。則見短于大臣。非所以示神明也。不如深拱禁中。與臣及侍中秦官。應劭曰。入侍天子。故曰侍中。習法者。待事來揆之。則大臣不敢奏疑事。天下稱聖主矣。二世乃不坐朝廷。事皆決于高。高知李斯將以爲言。乃見斯曰。關東羣盜多。而上益發繇役。聚狗馬無用之物。君何不諫。斯曰。上居深宮。欲見無間。高曰。請候上間。語君。于是待二世方燕樂。婦女在前。使人告斯。可奏事矣。斯至上謁。如此者三。二世怒。高因曰。沙邱之謀。丞相與焉。今陛下爲帝。而丞相貴不益。其意亦望裂地而王矣。且丞

相長男由守三川。楚盜陳勝等皆丞相傍縣之子。

傍縣近縣

也。斯上蔡人。與勝陽城相近。故云傍縣之子。猶言子弟也。以故公行過三川。守不肯

擊。高聞其文書相往來。未得其審。故未敢以聞。二世欲

案丞相。恐不審。乃先使人按驗三川守與盜通狀。斯聞

之。乃上書言趙高罪。二世曰。趙君爲人精廉彊力。下知

人情。上能適朕。朕非屬趙君。當誰任哉。斯又與右丞相

馮去疾將軍馮劫進諫。請且止阿房宮作者。減四邊戍

轉。戍。征戍也。轉。轉運也。二世曰。君不能禁盜。又欲罷先帝所爲。是

上無以報先帝。次不爲朕盡忠力。何以在位。下吏按罪。

去疾劫自殺。斯自負其辯有功。無反心。乃就獄。二世屬

高治之。責與由反狀。榜掠千餘。斯不勝痛。自誣服。斯從獄中

上書自陳前功。幸二世寤而赦之。高棄去不奏而使其客詐為御史謁者侍中更往來覆訊斯。斯更以實對。輒復榜之。後二世使人驗斯。斯以為如前。終不更言。所使案三川守由者至。則楚兵已擊殺之矣。高皆妄為反辭以相傳。遂具斯五刑論。秦法當三族者皆先黥劓。斬左右。謂之具。要斬咸陽市。斯顧謂其中子曰。吾欲與若復牽黃犬出上蔡東門逐狡兔。豈可得乎。遂父子相哭而夷三族。二世乃以高為中丞相。事皆決焉。

章邯擊破楚軍于定陶。項梁死。

項梁既破章邯東阿。西北至定陶。又破之。益輕秦。有驕

色。宋義

宋以國為氏。

諫曰。戰勝而將驕。卒情者敗。今卒少情。

矣。秦兵日益。臣為君畏之。梁不聽。

使宋義于齊。道遇齊使者高陵君顯曰。公

將見武信君乎。曰。然。曰。臣論武信君必敗。公徐行。即免死。疾行。則及禍。

二世悉起兵益章

邯擊楚軍大破之定陶項梁死項羽沛公方攻陳留

秦縣

今屬河南開封府臣瓚曰宋亦有留此留屬陳故名陳留聞梁死與呂臣俱引兵而

東

呂臣軍彭城東項羽軍彭城西沛公軍陽

已而楚懷王自盱眙都彭城并

呂臣項羽軍自將之

以呂臣為司徒其父青為令尹沛公為陽郡長封武安侯號項羽為

魯公封長安侯

楚立魏豹為魏王

豹之走楚楚王與卒數千人使徇魏地豹下二十城乃

立為魏王

章邯擊趙圍趙王子鉅鹿

今直隸順德府內鄉縣本趙鉅鹿邑秦置縣為鉅鹿郡治漢因

之

後魏改曰內鄉今之鉅鹿縣也

楚以宋義為上將軍救之

章邯既破項梁以楚地兵不足憂乃北擊趙破邯鄲張

耳以趙王走入鉅鹿。王離王翦之孫圍之。陳餘北收兵。得數

萬人軍鉅鹿北。章邯軍其南。築甬道屬河。饒王離兵食多。攻益急。趙數

請救于楚。楚王聞宋義先策武信君必敗。義所遇齊使

在楚。言于楚王。召與計事。大說之。以為上將軍。項羽為

次將。范增為末將。以救趙。義號卿子冠軍。卿子。人相義

言其在諸軍之上。諸別將皆屬焉。

楚遣沛公西入關。

初。楚懷王與諸將約。先入定關中者王之。是時秦兵尚

彊。諸將莫利先入關。獨項羽怨秦殺項梁。奮憤激也。願與

沛公西入關。諸老將皆曰。項羽為人慄悍猾賊。所過無

不殘滅。且楚進取數敗。謂陳涉。項梁。不如更遣長者扶義而

宋義能解人之敗而自不
能項羽之矯殺所謂當局
者迷乎

西。告喻秦父兄。秦父兄苦其主久矣。今誠得長者往。無
侵暴。宜可下。羽不可遣。獨沛公素寬大長者。可遣。王乃
遣沛公收陳王項梁散卒以西。

甲午。三年。楚次將項籍。矯殺宋義而代之。大破章邯軍。虜王
離。

宋義至安陽。

今山東曹州府曹縣東。有安陽城。卽宋義留兵處。

留四十六日不

進。項羽曰。秦圍趙急。宜疾引兵渡河。楚擊其外。趙應其

內。破秦軍必矣。宋義曰。今秦攻趙。戰勝則兵罷。我承其

敝。不勝則我鼓行而西。必舉秦矣。因下令曰。有猛如虎。

狠如羊。貪如狼。強不可使者。皆斬之。遣其子襄相齊。送

之無鹽。

故城在今山東泰安府東平州東。

飲酒高會。天寒大雨。士卒凍

飢。項羽曰：「今歲饑民貧，卒食半粟，而飲酒高會，不引兵渡河，因趙食，并力攻秦，乃曰承其敝。夫以秦之彊，攻新造之趙，其勢必舉。何敝之承？且國兵新破，王坐不安席，掃境內而屬將軍，國家安危在此一舉。今不恤士卒而徇其私，非社稷之臣也。」晨朝義，即其帳中斬之，出令軍中曰：「宋義與齊謀反楚，楚王陰令籍誅之，諸將莫敢枝梧。相與共立羽為假上將軍。」追宋義子及之齊殺之。遣使報命于王。王因以羽為上將軍。鉅鹿城中兵少食盡，張耳數召陳餘，餘不敢前耳。又使張驥陳澤讓之，要與俱死。餘使驥澤將五十人先嘗秦軍，皆沒。十二月，羽使當陽君即黥、蒲將軍顏師古曰：布與蒲將軍乃二人，服虔以為一人，非。將二萬人渡河，絕秦甬道，戰少利。羽乃悉引兵渡河，已渡，皆沉船，破釜，餓燒

廬舍持三日糧以示士卒必死無還心與秦軍遇九戰

皆破之章邯引却遂虜王離時諸侯軍鉅鹿者十餘壁

齊將田都燕將臧荼及齊王建孫田安來救張耳子敖亦北收代兵得萬餘人皆壁陳餘軍旁莫敢縱

兵及楚擊秦皆從壁上觀楚戰士無不一當十呼聲動

天地諸侯軍人人惴恐既破秦軍諸侯將入轅門張晏曰軍

行以車為陳轅相向為門膝行而前莫敢仰視羽由是始為諸侯上

將軍兵皆屬焉趙王及張耳出鉅鹿城謝諸侯張耳責讓陳餘問驂澤所在疑餘殺之餘怒解

印綬與耳耳不受餘起如厠客或說耳急取之耳乃佩其印綬收其麾下餘遂與數百人去河上澤中漁獵二

人有此

沛公擊昌邑秦縣故城在今山東兖州府金鄉縣西北彭越彭氏大彭之後以國為氏以兵

從

越昌邑人嘗漁鉅野澤即禹貢大野在山東曹州府鉅野縣北澤最廣大元未為黃河

所決中為羣盜楚兵起澤間年少相聚百餘人請越為

長越謝曰臣不願也彊請乃許之與期旦日日出會後

期者斬至期多後或至日中于是越謝曰臣老諸君彊

以為長今期多後不可盡誅誅最後者一人皆笑曰何

至是請後不敢越竟斬之徒屬皆驚莫敢仰視乃畧地

收散卒得千餘人至是以其兵歸沛公

沛公使酈食其酈音歷黃帝支孫封酈後以為氏食其音異基說陳留下之

沛公過高陽此杞縣之高陽城注見前酈食其家貧落魄顏師

古曰失業無次也為里監門時諸將畧地過者皆握齷好苛禮自用不能聽大度之言酈生深自

匿沛公麾下有騎士適食其里中子食其使言于沛公

酈生謂騎士曰。吾聞沛公慢而易人。多大畧。此真吾所願從遊者。見沛公。謂曰。臣里中有酈生。年六十餘。長八尺。人皆謂之狂生。生自謂我非狂。騎士曰。沛公不好儒。諸客冠儒冠來者。沛公輒解其冠。溲溺其中。與人言。常大罵。未可以儒生說也。酈生曰。第言之。騎士從容言。如生所誠者。沛公至。傳舍。使召酈

生。酈生至。入謁。沛公方踞床。使兩女子洗足。酈生長揖不拜。曰。足下欲助秦攻諸侯乎。且欲率諸侯破秦也。沛公罵曰。豎儒。天下同苦秦久矣。故諸侯相率而攻秦。何謂助秦攻諸侯乎。酈生曰。必聚徒合義兵。誅無道秦。不宜倨見長者。于是沛公輟洗。攝衣。延生上坐。問計。生曰。足下兵不滿萬。欲以徑入彊秦。此所謂探虎口者也。夫陳留。天下之衝。又多積聚。臣善其令。請得使之。令下。合也。下降。卽不聽。足下引兵攻之。臣爲內應。于是遣酈生行。

而引兵隨之。遂下陳留。號生為廣野君。為說客。使諸侯。生弟商亦聚眾四千人。來屬沛公。沛公使將陳留兵以從。

章邯以軍降楚。

章邯軍棘原。

在直隸順德府平鄉縣南。

項羽軍漳南。

漳水之南。漳水。注見前。

相

持未戰。二世使人讓邯。邯恐。使長史欣請事。留司馬門。

顏師古曰。宮垣之內。兵衛所在。四面皆有司馬。司馬主武事。故總謂宮之外門為司馬門。

三日。趙高

不見。欣恐。走還。

不敢出故道。趙高果使人追之。不及。

至軍。報曰。趙高用事

于中。下無可為者。今戰勝。高疾吾功。不勝。不免于死。願

熟計之。陳餘亦遺邯書。

書曰。將軍為秦將三歲。所亡失已十數萬。而諸侯並起。茲益多。

彼趙高素諛日久。今事急。亦恐二世誅之。故欲以法誅將軍以塞責。使人更代以脫其禍。將軍有功亦誅。無功

亦誅。且天之亡秦，無愚智皆知之。將軍何不與諸侯為從，南面稱孤，孰與身伏斧鑕，妻子為戮乎？章邯

狐疑，陰使羽約未成。羽遣蒲將軍引兵渡三戶，漳水津也。孟康

曰：在與秦戰，再破之。羽又擊敗之。汧水，在臨漳縣西南，出武安山，入漳

絕。今上邳遂請降。羽乃與盟于洹水，前。註見南立以為雍王。

置楚軍中，使長史欣將秦軍行前。顏師古曰：謂居前而行。

沛公入武關

沛公南攻潁川。秦郡。註見前。因張良畧韓地。文潁曰：潁南北皆韓地，以良累

世相韓。故因之。出轅轅。山名。在河南府偃師縣東南。元和志：山

畧南陽。南陽守齮戰敗，走保宛。今河南南陽府南陽縣。楚宛邑。秦為縣。隋始改

名。今沛公引兵過之。張良曰：公雖欲急入關，秦兵尚衆，距

險，今不下宛，宛從後擊，彊秦在前，此危道也。沛公乃夜

從他道還。圍宛。齕舍人陳恢。踰城見沛公。約降。恢曰。聞

先入咸陽者王之。今足下留守宛。宛郡縣連城數十。其吏民自以為降。必死。故皆堅守乘城。足下盡日止攻。士

死傷者必多。引兵去宛。宛必隨足下。後足下前則失咸陽之約。後有彊宛之患。為足下計。莫若約降。封其守。因

使止守。引其甲卒與之西。諸城未下者。聞聲。爭開門而待足下矣。沛公曰。善。許之。七月。齕降。

封殷侯。恢封千戶。引兵而西。無不下者。所過令毋得鹵。與虜同。

掠秦民皆喜。八月。遂入武關。

趙高弑帝于望夷宮。在西安府涇陽縣東南。立子嬰為王。子嬰誅高。

夷三族。

趙高欲專秦權。恐羣臣不聽。乃持鹿獻于二世曰。馬也。

二世笑曰。丞相誤耶。謂鹿為馬。問左右。或默。或言鹿。高

因陰中諸言鹿者以法。後羣臣皆畏之。莫敢言其過。高

前數言關東盜無能為。及是沛公已破武關。二世使責

讓高。高懼。與其壻咸陽令閻樂。閻以鄉為氏。謀弑二世。時二

世將祠涇水。二世夢白虎齧其左驂馬。殺之。卜曰。涇水為祟。故欲祠涇。齋于望夷宮。

高詐為有大賊。令樂發吏卒。至宮殿門。縛衛令。秦衛尉。掌衛宮門。

屯兵。屬有衛士令。僕射。注見前。殺之。射郎。秦官。掌守門戶。宦者。或走或格。

格者輒死。樂與高弟郎中令成俱入。射上幄坐幃。二世

怒。召左右。惶擾不鬪。有宦者一人侍不去。二世謂曰。公

何不早告我。乃至于此。對曰。使臣早言。皆已誅。安得至

今。樂前數二世曰。足下驕恣。誅殺無道。天下皆畔。其自

為計。二世曰。吾願得一郡為王。弗許。願為萬戶侯。又弗

許。願與妻子為黔首。樂曰。臣受命丞相。為天下誅足下

足下雖多言。臣不敢報。麾其兵進。二世自殺。趙高召諸大臣公子告曰。秦故王國。始皇君天下。故稱帝。今六國復立。宜爲王如故。便乃立子嬰爲秦王。以黔首葬二世。杜南宜春苑。在西安府咸寧縣南。漢曰宜春下苑。中九月。趙高令子嬰齋廟。見受璽。齋五日。高使人請子嬰。子嬰稱病不行。子嬰與其二子及宦者韓談謀曰。丞相殺二世。恐羣臣誅之。乃詐以義立我。聞高與楚約。滅秦而分王關中。今使我見廟。此欲因廟中殺我。我稱病不行。丞相必自來。來則殺之。高自往請。子嬰遂刺殺高。三族其家以徇。

沛公擊嶢關。

卽藍田關。在西安府藍田縣東南。

破之。

先是。趙高旣弑二世。使人與沛公約。分王關中。沛公不許。及子嬰誅殺高。遣將將兵距嶢關。沛公欲擊之。張良

曰秦兵方彊。願益張旗幟爲疑兵。而使酈生。陸賈。

齊宣王少

子通封陸鄉。因以爲氏。賈楚人。往說秦將。昭以利。秦將果欲連和。沛公

欲許之。良又曰。不如因其怠而擊之。沛公引兵繞嶢關。

踰黃山。

在藍田縣南。

擊秦軍。大破之。

御批歷代通鑑輯覽卷之十二

楚漢

乙楚義帝心元西楚霸王項籍元漢王劉邦元年是歲秦未亡。綱曰于楚漢之際。每甲子下。俱分列諸國。今但列

楚漢。諸國條立。條亡。不備載。

五星。歲星。東方春木。熒惑。南方夏火。太白。西方。聚于東井。

東井。八星。天之南門。主水衡。自井十度。至柳三度。為鶉首

之次。屬秦分。漢書天文志。漢元年十月。五星聚于東井。從

歲星也。後魏高允曰。金水二星。常附日而行。冬十月。日旦

在尾箕。昏没于申南。而東井方出于寅北。何因背日而行。

崔浩曰。五星以前三月聚東井。非十月也。宋劉攽曰。秦之

十月。今七月。日當在鶉尾。故太白。辰星。得從歲星也。考漢

書律歷志。秦以十月為正。劉攽之言。蓋本于此。

沛公至霸上。即白鹿原。在西安府咸寧縣東。水經注。白鹿

秦王子嬰降。

天道遠人事邇沛公仗義而西三章之約炳然應天順人若以五星聚為入關之祥脫令項羽先入亦足當其兆乎抑即無其事平甘公亦當語塞矣且高允崔浩輩論如夢絲則其事之真偽從可思耳

沛公至霸上。秦王子嬰素車白馬。係頸以組。應劭曰。組。天子韉也。

係頸。言欲自殺。封皇帝璽。始皇藍田玉璽。文曰。受天之命。皇帝

符。玉符以節。號令賞罰之節。以毛爲。降軹道。亭名。在今

北。旁。諸將請誅之。沛公曰。始懷王遣我。固以能寬容。且

人已服降。殺之不祥。乃以屬吏。

沛公入咸陽。還軍霸上。除秦苛法。

沛公西入咸陽。諸將皆爭走金帛財物之府。分之。蕭何

獨先入收秦丞相府圖籍藏之。以此得具知天下阨塞

戶口。多少彊弱之處。沛公見秦宮室。幃帳寶貨婦女。欲

留居之。樊噲。沛人。張良諫。樊噲曰。沛公欲有天下。邪。將

樊噲起屠狗從軍。行間乃有留居之諫。功不在蕭曹。下開代英材識見。固當如

皆秦所以亡也。沛公何用爲。願急還霸上。沛公不聽。張良曰。忠言逆耳。利于行。良藥苦口。利于病。願聽樊噲言。

此

乃封秦重寶府庫還軍霸上。悉召父老豪傑謂曰父老
苦秦苛法久矣。諸侯約先入關者王之。吾當王關中。與
父老約法三章耳。殺人者死。傷人及盜抵罪。抵。當也。隨其輕重制
法。餘悉除去。凡吾所以來。為父兄除害。非有所侵暴。毋
恐。乃使人與秦吏行縣鄉邑。告喻之。秦民大喜。唯恐沛
公不為秦王。

尹氏起莘曰。沛公仗義入關。除秦苛法。如救
焚拯溺。雖三代之得天下。亦不過如是而已。

項籍阮秦降卒于新安。

今縣屬河南府。

項羽既定河北。率諸侯兵欲西入關。秦降卒多怨言。先
諸侯吏卒繇戍過秦中。秦人遇之多無狀。及章邯以羽
秦軍降楚。諸侯吏卒乘勝折辱。奴虜使之故多怨。
計衆心不服。至關必危。于是夜擊阮秦卒二十餘萬人。

新安城南而獨與章邯及長史欣都尉翳入秦。

沛公遣兵守函谷關。項籍攻破之。遂屠咸陽。殺子嬰。掘始

皇家。

在臨潼縣東。俗呼當陵。

大掠而東。

有鯁生。

臣瓚曰。鯁。姓。服虔曰。鯁。小也。

說沛公距關無內諸侯。秦地可

盡王。沛公從之。項羽至關。關閉。不得入。又聞沛公已定

關中。大怒。使黥布等擊破關。進至戲。

沛公左司馬曹無傷使人言于羽曰。

沛公欲王關中。令子嬰為相。珠寶盡有之。羽益大怒。

饗士卒。期旦日擊沛公。時羽

兵四十萬。

號百萬。

在鴻門。取名在臨潼縣東。今日項王營。

沛公兵十萬。號二

十萬。在霸上。范增謂羽曰。沛公居山東時。貪財好色。今人

關。財物無所取。婦女無所幸。此其志不小。吾令人望其

氣。皆為龍虎。成五采。此天子氣也。急擊勿失。羽季父項

范增於項羽雖未至。言雖計從然。曾曰。亞父。君臣非不相得。者乃入關以前。既不相得。其此秦降卒入關。以後又不開。阻其屠。成。陽而片戶於舉。其難劍。以除沛公。激論王者不死所。

見抑老已

伯素善張良

伯在秦時嘗殺八良救之

夜馳告之欲與俱去良曰臣

爲韓王送沛公今有急亡去不義因固要項伯入見沛

公公奉卮酒爲壽約爲婚姻曰吾入關秋毫不敢有所

近籍吏民封府庫而待將軍所以遣將守關者備他盜

耳日夜望將軍至豈敢反乎願伯具言臣之不敢背德

項伯許諾曰旦日不可不早白來謝遂去具以告羽因

言曰沛公不先破關中公豈敢入乎今人有大功而擊

之不義不如因善遇之羽曰諾沛公旦日從百餘騎來

見羽鴻門

沛公曰臣與將軍戮力而攻秦將軍戰河北臣戰河南不自意先入關能破秦得復見將軍于此今者有小人之言令將軍與臣有隙項羽因

曰此沛公左司馬曹無傷言之不然籍何以至此羽因

留沛公飲范增數目羽舉所佩玉玦示之者三羽不應

增出。使項莊請以劍舞。因擊沛公殺之。莊入爲壽畢。拔劍起舞。項伯亦拔劍起舞。常以身翼蔽沛公。莊不得擊。于是張良出。見樊噲曰。今項莊拔劍舞。其意常在沛公也。噲曰。此迫矣。卽帶劍擁盾。以兵器所入。瞋目視羽。頭髮上指。目眦盡張。裂羽按劍曰。客何爲者。張良曰。沛公驂乘樊噲也。羽曰。壯士。賜之卮酒。一生彘肩。噲立而飲酒。拔劍切彘肩。盡啗之。羽曰。壯士能復飲乎。噲曰。臣死且不避。卮酒安足辭。夫秦有虎狼之心。天下皆畔。懷王與諸將約曰。先入咸陽者王之。今沛公先破秦入咸陽。勞苦功高。未有封爵之賞。而將軍聽細人之說。欲誅有功之人。此亡秦之續耳。竊爲將軍不取也。羽未有以應。須

與沛公起如廁招噲出與亡去

沛公曰今者出而不辭也噲曰大行不顧細謹

禮不辭小讓今人方為沛公獨騎噲步從問行趣霸上

刀俎我為魚肉何辭為沛公獨騎噲步從問行趣霸上

至軍立誅留張良使謝羽羽問沛公安在曰聞將軍有

意督過之脫身獨去已至軍矣因以白璧一雙獻羽玉

斗一雙與增羽受璧增拔劍撞破玉斗曰唉音哀嘆恨發聲之辭

豎子不足與謀奪將軍天下者必沛公也吾屬今為之

虜矣居數日羽引兵西屠咸陽殺秦降王子嬰燒秦宮

室火三月掘始皇帝冢以三十萬人運物收寶貨婦女

而東秦民大失望韓生說羽曰關中阻山帶河四塞之

國東函谷南武關西散關北蕭關地肥饒可都以霸羽見秦殘破又思

東歸曰富貴不歸故鄉如衣繡夜行誰知之者韓生退

曰。人言楚人沐猴而冠。果然。羽聞之。烹韓生。

項籍尊楚懷王為義帝。

羽使人致命懷王。懷王曰。如約。言如前約。羽怒曰。懷王者。吾

家所立耳。非有功伐。何以得專主約。乃陽尊懷王為義

帝。徙之長沙。都郴。今湖南郴州。

項籍自立為西楚。孟康曰。江陵為南楚。吳為東楚。彭城為西楚。霸王。

王梁楚地九郡。都彭城。

立沛公為漢王。

項羽與范增疑沛公。而業已講解。又惡負約。以巴蜀道

險。秦之遷人皆居之。乃曰。巴蜀亦關中也。立沛公為漢

王。王巴蜀漢中。注見前。都南鄭。今縣。陝西漢中府治。而三分關中。王

秦降將以距塞漢道章邯為雍王王咸陽以西都廢邱

即今興平縣屬西安府司馬欣故為櫟陽獄掾為塞韋昭曰即王

王咸陽以東至河都櫟陽注見董翳勸章邯為翟春

之王王上郡注見都高奴故城在今陝西延復分天下

以王諸將徙魏王豹為西魏王項羽欲自取王河東都

平陽注見韓王成因故都都陽翟注見申陽張耳娶臣

迎楚為河南王都洛陽司馬卬趙將定河為殷墟故王都

朝歌注見徙趙王歇為代王居代注見立張耳為趙相

為常山王王趙都襄國今直隸順德府英布為楚將為九江王

都六注見吳芮率百越佐諸侯又從入關為衡山王都邾故城在湖

黃崗縣東南芮將共敖共以邑為氏敖義帝為臨江王

王江陵今縣。荆徙燕王廣為遼東王都無終尋為臧荼所殺無終

注見臧荼臧魯臧氏之別。荼燕將從楚救趙入關。為燕王都薊注見徙齊

王市為膠東王都卽墨注見立田都齊將從楚救趙入關為齊王

都臨淄田安王建孫下濟北引兵降楚為濟北王都博陽今山東泰安府

縣有博縣故諸侯罷兵就國田榮數負項梁又不肯從

城。漢曰博陽即去又不從入關然素賢羽不得已

漢以蕭何為丞相遣張良歸韓

漢王以項羽背約怒欲攻之蕭何諫曰夫能誦于一人

之下而信于萬乘之上者湯武是也臣願大王王漢中

養其民以致賢人收用巴蜀還定三秦天下可圖也王

曰善乃就國以何為丞相項王使卒三萬人從漢王之

故國紛爭黎民塗炭蕭何於漢王失職憤怒時首言養民致賢其識有大過人者烏可以刀筆吏少之

國楚與諸侯之慕從者數萬人張良送至褒中今漢中府褒城

縣漢曰王遣良歸韓良因說王燒絕所過棧道在褒城縣北接

褒中鳳縣東北統以備盜兵且示羽無東意

齊田榮自立為齊王

田榮聞楚立田都為齊王大怒發兵擊走都都亡因留

市不令之膠東市畏項王竊之國榮追殺之時彭越在

鉅野有兵萬人無所屬榮與越將軍印使擊殺田安榮

遂自立盡王三齊謂齊及濟北膠東之地

西楚殺韓王成張良復歸漢

項王以張良從漢王韓王又無軍功廢以為侯已又殺

之張良遂間行歸漢良多病未嘗獨將嘗為畫策臣時

時從漢王

項王既殺韓王成乃以故吳令鄭昌為韓王

漢王以韓信為大將還定三秦

韓信淮陰

秦縣故城在今江南淮安府清河縣東南

人家貧無行不得推擇

為吏又不能治生商賈

嘗數從下鄉南昌亭長食亭長妻苦之乃晨炊蓐食食時信往

不為具食信知其意遂絕去至城下釣有漂母哀之飯信信曰吾必重報母母怒曰大丈夫不能自食吾哀王

孫而進食豈望報乎淮陰少年或衆辱之曰若雖長大好帶刀劍中情怯耳能死刺我不能出跨下信熟視之

俛出跨下一市皆笑項梁渡淮信仗劍從之後數以策干羽羽弗

用亡歸漢坐法當斬信仰視適見滕公

即夏侯嬰夏侯氏杞之後以國

爵為氏嬰沛人初曰上不欲就天下乎何為斬壯士滕

公奇其言貌釋不斬與語說之言于王以為治粟都尉

秦官掌穀貨數與蕭何語何奇之王至南鄭將士歌謳思歸

多道亡者。信亦亡去。何不及以聞。自追之。人或言丞相何亡。王怒。如失左右手。居一二日。何來謁。王且怒且喜。罵曰。若亡。何也。曰。臣不敢亡。追亡者耳。王曰。所追者誰。曰。韓信。王復罵曰。諸將亡者以十數。公無所追。追信。詐也。何曰。諸將易得。如信。國士無雙。王欲長王漢中。無所事信。必欲爭天下。非信無足與計事者。顧王策安決耳。王曰。吾亦欲東耳。安能鬱鬱久居此乎。何曰。計必欲東。能用信。信卽留。不能用。信終亡耳。王乃欲拜信爲大將。何請擇日齋戒。設壇具禮。王許之。諸將皆喜。人人自以爲得大將。至拜。乃信也。一軍皆驚。信已拜。上坐。王曰。丞相數言將軍。將軍何以教寡人。信謝。因問王曰。今東鄉。

韓信登壇數語劉興項蹶
已若指掌以項羽為匹夫
之勇人人能言之以為婦
人之仁則信所獨見也

爭權天下非項王邪王曰然信曰大王自料勇悍仁彊

孰與項王王默然良久曰不如也信再拜賀曰信亦以

為不如也然臣嘗事項王請言項王之為人項王喑

惡叱咤喑鳥鳴反惡鳥路反懷怒氣也千人皆廢然不

能任屬賢將此匹夫之勇耳見人慈愛言語嘔嘔與姁通

至人有功當封爵卽利廉鍰也無敵忍不能予此婦人

之仁也雖霸天下不居關中而都彭城背約而以親愛

王諸侯不平遂義帝置江南所過殘滅民不親附名雖

為霸實失天下心故其彊易弱今大王誠能反其道任

天下武勇何不誅以天下城邑封功臣何不服以義兵

從思東歸之士何不散言敵無不敗散且三秦王將秦子弟數

歲所殺亡不可勝計。又欺其衆降諸侯。及項王阬秦卒
惟此三人得脫。秦父兄怨之。痛入骨髓。而楚彊以威王
之。秦民莫愛也。大王入關。秋毫無所害。除秦苛法。秦民
無不願大王王秦。于諸侯之約。大王當王關中。民戶知
之。而失職入漢中。秦民無不恨者。今大王舉而東。三秦
可傳檄尺書以責所伐者而定也。王大喜。自以爲得信晚。遂都
署諸將。留蕭何收巴蜀租。給軍糧食。八月。引兵從故道
秦縣故城在今漢中府鳳縣西北出襲雍。章邯迎戰。敗走廢丘。明年灌廢丘。兵引水灌廢丘。漢王至咸陽。塞王欣。翟王翳皆降。張良遺項王
書曰。漢王失職。欲得關中。如約卽止。不敢復東。又以齊
梁田榮。彭越。反。書遺之羽。以故無西意。而北擊齊。

王陵以兵屬漢

陵沛人。漢王微時，常兄事之。及起沛，陵亦聚黨數千人，居南陽。至是，始以屬漢。項王執陵母，欲以招之。母因使

者語陵曰：「漢王長者，終得天下，無以我故持二心。」遂伏

劍而死。

漢王使將軍薛歐王吸，因陵兵從南陽迎太公、呂后于沛。項王發兵拒之，不得前。

西楚二年。漢二年。申足歲楚義帝亡。項籍弑義帝于江中。

項籍使人趣義帝行。其大臣稍稍叛之。籍乃密使吳芮、黥布共敖，擊殺之江中。

陳餘以齊兵襲常山王耳，走漢代王歇，復為趙王。立餘為代王。

陳餘在南皮。

今縣屬南。隸天津府。

聞田榮已王齊，乃使夏說夏說，別

不得封者。往說榮。假齊兵擊常山。復趙王。榮許之。遂共

襲常山。張耳敗走。欲之楚。甘公

齊人。善說星者。

曰。漢王之入關。

五星聚東井。東井。秦分也。先至必王。楚雖彊。後必屬漢。耳乃走漢。餘已敗耳。收趙地。迎代王。歇復王趙。歇德餘。立以為代王。餘留傅趙王。而使夏說以相國守代。

漢立韓王孫信為韓王。

信。韓襄王孽孫。張良下韓故地。得之。以為韓將。從漢王入關。又從入漢中。漢王既定三秦。拜信為韓太尉。使畧韓地。漢王東出關。至陝。

今河南陝州。

鎮撫關外父老。于是河

南王申陽。韓王鄭昌皆降。乃立信為韓王。

漢王都櫟陽。

注見前。

漢王自陝還。遂都櫟陽。故秦苑囿園池。皆令民得田之。
楚擊齊。王榮敗死。田橫立榮子廣為齊王。

項王至城陽。齊王榮會戰。敗走平原。平原民殺榮。項王
乃復立田假為齊王。燒夷齊城郭。所過盡屠破。齊人相
聚畔之。于是榮弟橫收齊散兵。得數萬人。擊走假。假亡走楚。
楚殺之。立榮子廣為王而相之。

漢王渡河。魏王豹降。虜殷王邛。以陳平為護軍中尉。

陽武人陳平。家貧。好讀書。治黃帝老子之術。平與兄伯居。伯常耕

田。縱平使遊學。平為人長大美色。人或謂平貧。何食而肥。若是其嫂疾。平不治。生產乃曰。亦食糠覈耳。有叔如此。不如無有。伯聞之。即逐其婦。王慎中曰。里中社。平

史臣先載伯逐其婦事。為平明盜嫂之誣。里中社。平
為宰。主割肉也。分肉甚均。里父老曰。善。陳孺子之為宰。平曰。

陳平幾繼顧其軀而刺船
已見一斑至云不受金無
以為資此實不可為訓臣
節尚廉古今通義而在行
軍御衆時所關尤重彼后
勝相齊郭開用趙非皆受
金者乎厥後漢高論相以
平智有餘而難擄任或亦
早見及此矣

嗟乎使平得宰天下亦如是肉矣。初事魏王咎。說不聽。

去事項王。拜都尉。及漢下殷。乃渡河歸漢。先是殷王反楚。項王使平

擊之。殷降。項王拜平都尉。賜金二十鎰。無何。漢王攻下

殷。項王怒。將誅定殷者。平懼。乃封其金與印。使使還項

王。而挺身間行。仗劍亡渡河。船人見其美丈夫。疑為亡

將。當有金玉寶器。目之。欲殺平。平覺。乃解衣。裸而佐刺

船。船人知其無有。乃止。平遂至。修武降漢。因魏無知求見。漢王與語。悅之。問

居楚何官。曰。為都尉。是日。即拜平都尉。使驂乘典護軍。

諸將盡謹。音喧。王聞之。益厚平。周勃。沛人。灌嬰。權氏。夏

之後。嬰。睢陽販繒者。言于王曰。陳平雖美如冠玉。其中未必有也。

居家時。嘗盜其嫂。今為護軍。多受諸將金。反覆亂臣也。

願王察之。王召讓魏無知。無知曰。臣所言者。能也。王所

問者。行也。今有尾生。一作微生。或曰。微生高也。孝已。殷高宗子。有孝行。之

行而無益勝負之數。王何暇用之乎。王又召平而問焉。
平曰。臣居楚。聞王能用人。故來歸。然裸身來。不受金。無
以爲資。誠臣畫計有可采者。願大王用之。使無可用。金
具在。請封輸官。得乞骸骨。王乃謝平。厚賜之。拜護軍中
尉。盡護諸將。諸將不敢復言。

漢王至洛陽。爲義帝發喪。告諸侯討項籍。

漢王至洛陽。新城。

注見

三老。

秦制。縣十里一亭。十亭一鄉。鄉置三老。有秩。掌教化。

董公。

楚漢春秋。董公八十二歲。秦世隱士。名未詳。漢封成侯。

遮說。

橫道。自言。曰。臣聞順

董公遮說其詞雜出於荀卿王翊卽漢王縞素發兵時藉是仗義執言而已不然設令義帝而在漢王亦果能終出其下乎

德者昌。逆德者亡。兵出無名。事故不成。故曰。明其爲賊。
敵乃可服。項羽爲無道。放弑其主。天下之賊也。夫仁不
以勇。義不以力。大王宜率三軍。爲之素服。以告諸侯。而

伐之則四海之內莫不仰德。此三王之舉也。漢王曰善。非夫子無所聞。于是為義帝發喪。哀臨三日。發使告諸侯曰。天下共立義帝。北面事之。今項羽放弑之。江南大逆無道。寡人親為發喪。兵皆縞素。悉發關中兵。收三河河南河內河東。士願從諸侯王。擊楚之弑義帝者。項張耳走漢王厚遇之。及是漢使者至。趙陳餘曰。漢殺張耳。乃從。于是漢王求人類張耳者。斬之。持其頭遺陳餘。餘乃遣兵助漢。許氏衡曰。董公順德。逆德之辭。昭然與日月爭光。人心稍知義者。從順去逆。已于此決矣。當日漢王仗義而東。天下為之響應者。董公力也。

漢王以五諸侯

韋昭曰。舉翟韓殷魏也。

兵伐楚。入彭城。項籍自齊還。

破漢軍。以漢太公呂后歸。

項王雖聞漢東。既已連齊兵。

田橫距楚城陽。楚連戰未下。

欲遂破之。

彭城去沛不二百里。漢王既入。即當迎取太公。乃亟至寶貨美人。置酒高會。此與項羽入秦何異。卒至

家室俱亡。幾陷其親於鼎。
祖而分業之語。雖出權變。
實非君子所忍聞也。

而擊漢。漢王以故得率五諸侯兵。凡五十六萬人。東伐

楚。至外黃。

故城在今河南開封府杞縣。

彭越將三萬人歸漢。

越收魏地十餘

城。請立魏後。

漢王曰。西魏王豹。真魏後。乃以越為魏相。國使畧魏地。

漢王遂入彭城。收其

寶貨美人。日置酒高會。項王聞之。令諸將擊齊。而自以

精兵三萬人。從魯出胡陵。

亦曰湖陵。故城在山東兗州府魚臺縣東南。

至蕭。

注見前。

大破漢軍。漢軍入穀。

睢水。分注水。在碭山縣東南。

泗。注見前。

及睢水。

故汴水分流也。舊自河南開封歸德至江南徐州入泗。今上流俱埋。其在宿遷縣者。謂之小河。

死者二十餘萬人。睢水為之不流。圍漢王三匝。會大風。

從西北起。折木發屋。揚沙石。晝晦。楚軍大亂。漢王乃得

與數十騎遁去。過沛。使人求家室。家室已亡。不相得。道

逢子盈。

即孝惠帝。

及女。

即魯元公主。

載以行。楚騎追漢王。王急推墮二子。滕公下收載。

遂得而太公呂后竟為楚所獲審食其從太公呂后間

中以時呂后兄周呂侯名澤將兵居下邑故城在碭山縣東

王間往從微道從之諸侯見漢敗復背漢與楚殷王瑯

秋翟王翳皆降楚陳餘聞張耳詐死亦背漢

漢王遣隨何隨氏隨侯之後以國為氏使九江

初項王擊齊徵兵九江黥布稱疾遣將將數千人往漢

入彭城布又不佐楚項王由是怨之至是漢王西過梁

地問羣臣曰吾欲捐關以東棄之誰可與共功者張良

曰九江王布與楚有隙彭越與齊反梁地此兩人可急

使而漢將獨韓信可屬大事當一面捐之此三人則楚

可破也王謂左右曰孰能為我使九江令之發兵倍楚

留項王數月。我之取天下。可以百全。謁者隨何請使與二十人俱。

漢王至滎陽。

注見前。

漢王收集散卒。屯滎陽。蕭何發關中老弱未傅。

音附。著也。未傅。

未著名籍者。

悉詣軍。韓信亦以兵與漢王會。軍復大振。與

楚戰滎陽南京。

即春秋鄭京邑。秦為縣。故城在開封府滎陽縣東南。

索。

今滎陽縣治。即古大

索城。又有小

索城。在縣北。

間破之。楚以故不能過滎陽而西。漢遂築

甬道屬之河。以取敖倉。

敖山在開封府滎澤縣西北。水經注。山上有城。秦置倉其中。故

倉。曰敖粟。

漢王還櫟陽。立子盈為太子。

大赦罪人。令諸侯子在關中者皆集櫟陽為衛。

關中大饑

米斛萬錢人相食令民就食蜀漢

漢王如滎陽命蕭何守關中立宗廟社稷

王如滎陽命蕭何侍太子守關中爲法令約束立宗廟

社稷事有不及奏決者輒以便宜施行上來以聞日應劭

主上來還計關中戶口轉漕調兵以給軍未嘗乏絕漢

乃以秦陽數使使勞苦何鮑生謂何曰王暴衣露蓋數使

使勞苦君者有疑君心也爲君計莫若遣君子孫昆弟

漢韓信擊魏虜王豹遂北擊趙代

魏王豹畔漢漢王謂酈食其曰緩頰徐言往說之酈生

往豹謝曰漢王慢侮人罵詈諸侯羣臣如奴耳不忍復

見也。酈生還。漢王以韓信為左丞相。與曹參灌嬰俱擊

魏。魏盛兵蒲坂。塞臨晉。信乃益為疑兵。陳船欲渡臨晉。

而伏兵從夏陽。即魏少梁。故城在陝西同州府韓城縣南。以木罌渡軍。以木罌也。

罌也。襲安邑。魏王豹驚。引兵迎信。信遂虜豹。傳詣滎

陽。後漢王使豹與周苛守滎陽。楚圍之。信請益兵三萬。急苛曰。反國之王。難與其守。遂殺豹。信請益兵三萬

人。北舉燕趙。東擊齊。南絕楚糧道。王遣張耳與俱。九月

破代兵。禽夏說。

丁酉。西楚三年。十月。韓信大破趙軍。禽王歇。斬代王餘。遣使

下燕。

韓信。張耳擊趙。趙聚兵井陘口。注見前。號二十萬。廣武君

李左車謂陳餘曰。信耳乘勝遠鬪。其鋒不可當。臣聞千

陳餘事與宋襄一轍宋襄不鼓不成列而用人於次睢之社陳餘不用詐謀而於刎頸交亦欲得其首世特知其迂謬而不知其愚惡可笑也

里餽糧士有飢色樵蘓後爨師不宿飽今井陘之道車不得方軌騎不得成列行數百里其勢糧食必在後願假臣奇兵三萬從間道絕其輜重足下深溝高壘勿與戰彼前不得戰退不得還野無所掠不十日而兩將之頭可致麾下否則必爲二子所禽矣餘嘗自稱義兵不用詐謀奇計不從左車策信間視知之大喜乃引兵遂下未至井陘口止舍夜半傳發選輕騎二千人人持一赤幟從間道草山草音蔽藏隱山間使敵不見而望趙軍戒曰趙空壁逐我卽疾入趙壁拔趙幟立漢赤幟令裨將傳餐飯曰餐立駐而傳食曰今日破趙會食乃使萬人先行出背水陳趙望見皆大笑平旦信建大將旗鼓出井陘口趙開壁

擊之大戰良久。于是信耳佯棄旗鼓。走水上軍。趙果空壁逐之。水上軍殊死戰。不可敗。信所遣二千騎者。馳入趙壁。拔趙幟。立漢幟。趙軍已不能得信耳。欲還壁。壁皆漢赤幟。大驚。遂亂遁走。漢兵夾擊。大破之。斬陳餘。禽趙王歇。諸將畢賀。因問曰。兵法。右倍山陵。前左水澤。今背水而勝。何也。信曰。兵法不云。陷之死地而後生。投之亡地而後存乎。且信非得素拊循士大夫。所謂驅市人而戰之也。非置死地。使人自爲戰。彼將皆走。尚可得而用之乎。諸將皆服。信以千金募生得李左車者。解其縛而師事之。問伐燕齊何若。左車謝曰。敗軍之將。不可以語勇。臣何足以權大事。信固請左車曰。足下虜魏王。禽夏說。不旬朝。破趙二十餘萬衆。名聞海內。威震諸侯。衆庶莫不傾耳以待命。然而衆勞卒

罷其實難用。今舉勦敵之兵，頓之燕堅城之下，曠日持
久，燕若不破，齊必自彊。二國相持，則劉項之權未有所
分也。為將軍計，不如按甲休兵，北首燕路，發一乘一使，
奉尺書，以使燕。燕必不敢不聽，從燕而東，臨齊。雖有智
者，不知為齊計矣。兵固有信，遂用左車策。發使燕，燕從
先聲而後實者，此之謂也。信遂用左車策。發使燕，燕從
風而靡，乃遣使報漢，而與張耳行定趙地。

是月甲戌晦，日食。

十一月癸卯晦，日食。

隨何以九江王布歸漢。

隨何至九江，說黥布歸漢。

何謂布曰：大王與楚同為諸侯，而北鄉臣事之者，必以楚

為彊，可托國也。夫楚雖彊，背盟約而殺義帝，天下負之以不義之名。今漢王收諸侯，守滎陽，下蜀漢之粟，堅守而不動，楚人深入敵國，老弱轉糧，進不得攻，退不得解，楚不如漢，亦易見矣。大王不與萬全之漢，而自託于危亡之楚，竊為大王不取也。布陰許之，未敢泄。楚使者在傳舍，方急責

李德裕以漢王見黥布深得駕馭英雄之術其說非也踞牀洗足不過慢侮故習即飲食帷帳亦屬招徠豪傑之常即使有心措置其見亦甚鄙布本驪山之徒趣不高而欲易厭故爾輕喜易怒如墮術中適自成其爲布而已

布發兵何直入曰九江王已歸漢楚何以得發兵因說布殺楚使者而攻楚楚使龍且擊破之布乃間行與何歸漢十二月至漢漢王方踞牀洗足召布入見布悔怒欲自殺及出就舍帳御食飲從官皆如漢王居布又大喜過望漢益其兵與俱屯成皐布使人至九江楚已收布兵盡殺其妻子漢遣酈食其立六國後未行而罷

楚數侵奪漢甬道漢軍乏食漢王與酈食其謀撓楚權食其曰昔湯放桀武王伐紂皆封其後秦伐諸侯滅其社稷今誠能立六國後其君臣百姓必皆戴德慕義願爲臣妾大王南面稱霸楚必斂衽而朝王曰善趣刻印酈生未行張良來謁王方食具以告良良曰臣請借前

箸爲大王籌之。昔湯武封桀紂之後者，度能制其死生

之命也。今大王能制項籍之死命乎？武王入殷，發粟散

錢，偃革爲軒。革，兵車也。朱軒，謂廢兵車而用乘車也。休馬放牛，示不復用

今大王能之乎？且天下游士，離親戚，棄墳墓，從大王游

者，徒欲望咫尺之地，今復立六國後，游士各歸事其主，

大王誰與取天下乎？且夫楚惟無彊，言無彊于楚者。六國復僥

而從之，若六國立，必復屈僥而從楚。大王焉得而臣之？誠用客謀大

事去矣。漢王輟食吐哺，罵曰：「豎儒！幾敗乃公事！」令趣銷

印。

楚圍漢王于滎陽，范增死。

漢王謂陳平曰：「天下紛紛，何時定乎？」平曰：「項王骨鯁之

臣亞父

項羽尊范增為亞父

鍾離昧

楚伯州犁居鍾離其後以邑為氏

之屬不過

數人耳。項王為人，意忌信讒，誠能捐金行間，以疑其心。

破楚必矣。王乃與平黃金四萬，不問其出入。平多縱

反間言，昧等功多不得裂地，欲與漢滅楚而分其地。項

王果疑昧等，及楚圍滎陽，急。漢王請和，割滎陽以西為

漢。項王使使至漢，陳平使為大牢具，舉進。見楚使，佯驚

曰：「吾以為亞父使也。」乃項王使，即持去，更以惡草具進。

楚使歸，具以告。項王果大疑亞父。亞父欲急攻下滎陽，

項王不聽。亞父怒曰：「天下事大定矣，君王自為之。」願賜

骸骨歸。未至彭城，疽發背死。

漢王走入關，彭越擊楚，楚還兵擊之。漢王復軍成臯。

陳平此計乃欺三尺童未
可保其必信者史乃以為
奇而世傳之可發一笑

楚圍滎陽益急將軍紀信紀為齊所滅其後以國為氏曰事急矣臣

請誑楚可以間出于是陳平夜出女子二千餘人楚四

面擊之紀信乃乘王車黃屋天子車以黃綰為蓋裏是為黃屋左纛毛羽

幢在車衡左方上注之故曰左纛曰食盡漢王降楚楚皆呼萬歲之城

東觀以故漢王得與數十騎出西門遁令周苛守滎陽項王燒

殺紀信漢王自成臯入關收兵欲復東轅生轅氏陳大夫轅濤塗

之後亦或從袁說王曰願君王出武關羽必南走王深壁勿戰

令滎陽成臯間且得休息而韓信等亦得安輯趙地連

燕齊王然後復還滎陽則楚備多而力分復與之戰破

之必矣王從之出兵宛葉間與黥布行收兵羽果引兵南王不與戰

會彭越破楚軍初漢王敗彭越越盡亡其所下梁地往來為漢游兵至是越渡睢破楚軍下邳

殺薛公。楚將。項王東擊越。漢王于是復軍成皐。

楚破彭越。還拔滎陽。及成皐。漢王走渡河。奪韓信軍。遣信擊齊。

項王既破走彭越。乃引兵西拔滎陽。烹周苛。項王生得

之。苛罵曰。若不趨降。漢當爲虜矣。若非漢王敵也。羽怒烹之。遂圍成皐。漢王跳徒彫反。獨

出。出成皐玉門。獨與滕公共車。玉門。成皐北門。北渡河。宿小修武。今河南衛

輝府獲嘉縣。有小修武。聚獲嘉。古修武也。自稱漢使者。晨馳入趙壁。張耳韓

信未起。即卧內奪其印符。以麾召諸將。易置之。信耳起。乃知漢

王來。即令耳守趙。信收趙兵。未發者擊齊。楚遂拔成皐。

欲西。漢使兵距之鞏。注見前。漢王欲指成皐以東。而屯鞏

洛。以距楚。酈生日。王者以民爲天。民以食爲天。夫敖倉

天下轉輸久矣。聞其下藏粟甚多。楚拔滎陽，不堅守敖

倉，乃引而東。此天所以資漢也。願即進兵，收取滎陽，據

敖倉之粟，塞成臯之險，杜太行之道，距蜚狐之口。蜚狐口在

今直隸易州廣昌縣北守白馬之津。注見前以示諸侯形制，因地形以制敵

之勢，則天下知所歸矣。王乃復謀取敖倉。時漢王已得韓信軍，復大

振屯小修武，欲復與楚戰。郎中鄭忠說止王，乃使劉賈

盧綰渡白馬津，入楚地，佐彭越燒楚積聚，以破其業。劉賈漢王從父兄，盧綰豐人，與漢王同里。

有星孛于大角。漢書天文志：房南衆星曰騎官。左角理，右角將。大角者，天王帝坐廷。

彭越下梁十七城，楚復擊取之。

彭越攻徇梁地，下外黃等十七城。項王聞之，令大司馬

曹咎守成臯，而自引兵東擊越所下城，圍外黃數日，乃

項羽生平所過殘滅獨肯外黃小兒之言所謂曉人當如是也使范增而在有愧是兒多矣

降。項王欲盡阬之。外黃令舍人兒年十三。說項王曰。彭越彊擊外黃。外黃恐。故且降以待大王。今又阬之。百姓安所歸心哉。且從此以東十餘城。皆恐莫肯下矣。羽從之。梁地俱復爲楚。

戊西楚四年。

漢韓信襲破齊。齊王廣走高密。

今縣屬山東萊州府。

先是漢王使酈食其說齊王曰。王知天下之所歸乎。王曰。天下何所歸。酈生曰。歸漢。漢王先入咸陽。項王負約王之漢中。項王遷殺義帝。漢王聞之。起兵出關。而責義帝之處。義帝弑于江中。不知處所。故責之。立諸侯之後。與天下同其利。豪英賢才。皆樂爲之用。項王有背約之名。有殺義帝之負。託人之過。忘人之功。賢才怨之。而莫爲之用。故天下

之事歸于漢王。可坐而策也。今又已據敖倉。塞成臯。守白馬。距蜚狐。天下後服者。先亡矣。齊王納之。遂與漢平。而罷守備。與酈生日縱酒爲樂。韓信引兵至平原。聞酈生已說下齊。欲止。蒯徹曰。將軍受詔擊齊。而漢發間使下之。寧有詔止將軍乎。且酈生一士。伏軾掉三寸之舌。下齊七十餘城。將軍以數萬之衆。歲餘乃下趙五十城。爲將數歲。反不如一豎儒之功乎。信遂渡河。襲破齊。齊王以酈生爲賣已。烹之。東走高密。使使請救于楚。

漢王復取成臯。與楚皆軍廣武。

山名。在河南開封府河陰縣北。東連滎澤。西接汜水。

項王之擊彭越。戒曹咎曰。謹守成臯。卽漢欲戰。慎勿與戰。項王已東。漢數挑楚戰。曹咎不出。漢使人辱之。數日。

咎怒渡兵汜水。

在開封府汜水縣西。半渡漢擊破之。盡

楚金玉貨賂。咎及司馬欣俱自到汜水上。漢王乃引兵渡河。復取成臯。軍廣

武。項王聞咎等破。亦還軍廣武。

廣武有二城。西城漢所築。東城項羽所築。夾城

之間。有絕澗。斷山。曰廣武澗。

與漢相守。楚軍食少。項王患之。乃爲高

俎置太公其上。告漢王曰。今不急下。吾烹太公。漢王曰。

吾與羽俱北面受命懷王。約爲兄弟。吾翁卽若翁。必欲

烹而翁。幸分我一杯羹。項王怒。欲烹之。項伯曰。天下事

未可知。且爲天下者不顧家。雖殺之無益。祇益禍耳。項

王從之。乃使人謂漢王曰。天下匈匈。徒以吾兩人願與

王挑戰。決雌雄。毋徒苦天下父子爲也。漢王笑謝曰。吾

寧鬪智。不鬪力。

項王三令壯士出挑戰。漢有善射者樓煩。輒射殺之。項王怒。乃自披甲持戟出。

樓煩欲射項王瞋目叱之樓煩目不能視手不能發走還入壁漢王使間視之乃項王也大驚因與項王臨廣武澗而語項王欲與漢王獨身挑戰漢王數之曰懷王命先定關中者王之羽負約王我蜀漢罪一矯殺卿子冠軍罪二救趙不還報擅封諸侯入關罪三燒秦宮室掘始皇帝冢私其財罪四殺秦降王子嬰罪五詐坑秦子弟新安二十萬罪六王諸將善地而徙逐故王罪七出逐義帝自都彭城奪韓梁地罪八使人陰殺義帝罪九爲政不平主約不信天下所不容大逆無道罪十吾以義兵從諸侯誅殘賊使刑餘罪人擊公何苦乃與公挑戰項王大怒伏弩射漢王傷胸王乃捫足曰虜中吾指曰病創卧張良彊請起行勞軍以安士卒王

從之疾甚因馳入成臯。

楚救齊漢韓信擊破之殺其將龍且虜齊王廣田橫自立
爲齊王戰敗走信遂定齊地

韓信東追齊王楚使龍且將兵二十萬救齊或說龍且

曰漢兵遠鬪窮戰其鋒不可當齊楚自居其地戰兵易

敗散

顏師古曰近其室家懷顧望也

不如深壁令齊王使其信臣招所

亡城亡城聞主在楚來救必反漢漢兵客居其勢無所

得食可不戰而降也且曰吾知韓信爲人易與耳寄食

于漂母無資身之策受辱于跨下無兼人之勇不足畏

也且救齊不戰而降之吾何功今戰而勝齊半可得何

爲而止遂進與漢軍夾濰水

注見前

而陳信夜令人爲萬

餘囊盛沙壅水上流。且半渡擊且。陽不勝還走。且喜曰。吾固知信怯。遂追渡水。信使決壅囊。水大至。且軍大半不得渡。卽急擊殺且。楚軍散走。齊王廣亡去。信追北至城陽。虜廣田橫以廣死。自立爲王。灌嬰擊走之。橫走梁。歸彭越。越時居梁地。中立。且爲楚。且爲漢。盡定齊地。

漢立張耳爲趙王。

初。韓信破趙。請立張耳爲王。以撫其國。漢王許之。至是乃立耳爲趙王。耳子敖。尙漢魯元公主。耳王一年卒。敖嗣立。

漢立韓信爲齊王。

韓信使人言于漢王曰。齊邊楚。反覆之國。請爲假王以鎮之。漢王大怒。罵曰。吾困于此。且暮望若來。乃欲自立。

武涉說韓信乃將主命惟
恐言之不至蒯徹何爲者
既說信破齊使驅生不
愛意又說信背漢致鐘室
不終臣節雖止議論過武
涉而傾危禍人猶戰國策

邪。張良、陳平躡王足附耳語曰：「漢方不利，寧能禁信之？」

自王乎？不如因而立之，使自爲守，不然變生。王悟，復罵

曰：「大丈夫定諸侯，卽爲真王耳，何以假爲？」遣張良操印，

立信爲齊王，徵其兵使擊楚。項王聞龍且死，大懼，使武

涉盱眙人說信欲與連和，三分天下。涉謂信曰：「漢王與兵

下不休，且漢王不可必，身居項王掌握中數矣。然得脫

輒背約，復擊項王。其不可親信如此。足下雖以與漢王

爲厚交，爲之盡力。然項王今日亡，次卽取足下。足下

與項王有故，何不反漢與楚連和？三分天下王之。」信

謝曰：「臣事項王，官不過郎中，位不過執戟，言不聽，畫不

用，故倍楚而歸漢。漢王授我上將軍印，予我數萬衆，解

衣衣我，推食食我，言聽計用，故吾得至于此。夫人深親

信我，我倍之不祥，雖死不易。幸爲信謝項王。」武涉去，蒯

徹知天下權在信。乃以相人之術。相信曰。相君之面。不
過封侯。相君之背。貴不可言。信曰。何謂也。徹曰。天下初
發難也。憂在亡秦而已。今楚漢分爭。智勇俱困。兩主之
命。懸于足下。足下爲漢。則漢勝。與楚。則楚勝。莫若兩利
而俱存之。三分天下。鼎足而居。其勢莫敢先動。足下據
彊齊。從燕趙。因民之欲。西向爲百姓請命。則天下風走
而響應矣。蓋聞天與不取。反受其咎。時至不行。反受其
殃。願足下熟慮之。信曰。漢王遇我甚厚。豈可鄉利而倍
義乎。徹曰。臣聞勇略震主者身危。功蓋天下者不賞。今
足下戴震主之威。挾不賞之功。欲持是安歸乎。信謝曰。
先生休矣。吾方念之。數日。徹復說曰。夫功者難成而易

敗時者難得而易失。時乎時乎不再來。信猶豫不忍背漢。又自以功多。漢終不奪我齊。遂謝徹。徹去。佯狂爲巫。漢立英布爲淮南王。

漢立布。使擊楚。布徇九江。得數縣。仍都六。

漢初爲算賦。

民年十五以上。至五十六。出賦錢。人百二十爲一算。治

庫兵車馬。

北貉。顏師古曰。貉在東北。方三韓之屬皆是也。燕人致梟騎助漢。胡三省注。貉人及燕皆來。

漢助。

是月。漢王令軍士死者。吏爲棺斂。轉送其家。四方歸心焉。

楚與漢約。中分天下。歸太公呂后于漢。解而東歸。

時漢關中兵益出。食益多。楚軍食盡。韓信又進兵擊之。

項王恐。會漢遣侯公說項王。請歸太公。項王乃與漢約。

中分天下。鴻溝。即河溝。注見前。以西爲漢。以東爲楚。九月。歸太

公呂后。解而東歸。漢王欲西歸。張良陳平曰。漢有天下

大半。楚兵饑疲。今釋弗擊。此養虎自遺患也。王從之。

已漢五年。是歲西楚亡。商周受命之年。皆亥。以一歲而分繫兩代。今于楚漢之際亦然。

漢王追項籍至固陵。故城在河南陳州府淮寧縣西北。籍擊敗之。

漢王追項王至陽夏南。止軍。與齊王信。魏相國越。期會

擊楚。至固陵。不會。楚擊漢軍。大破之。漢王復入壁。深塹

而守。謂張良曰。諸侯不從。奈何。良曰。楚兵且破。未有分

地其不至固宜。君王能與共天下，可立致也。信之立，非君王意，不自堅。且其家在楚，欲得故邑。越本定梁地，亦望王，而君王不早定。今能出捐此地，以許兩人，取睢陽以北至使各自爲戰，則楚易破也。漢王從之。

漢王以齊王信、魏相國越及淮南王布等兵圍項籍垓下。今江南鳳陽府靈璧縣東南有籍走自殺。楚地悉定。

漢王發使使韓信、彭越至，皆引兵來。劉賈入楚地，圍壽春。漢亦遣人誘楚大司馬周殷，殷畔楚，舉九江兵迎黥布。隨劉賈皆會。項王壁垓下，軍少食盡。漢帥諸侯兵圍之數重。項王聞四面皆楚歌，乃驚曰：「漢皆已得楚乎？是

何楚人之多也。起飲帳中，悲歌忼慨。

有美人姓虞氏，常幸從駿馬名騅。常

騎乃自爲歌詩曰：力拔山兮氣蓋世，時不利兮騅不逝。騅不逝兮可奈何？虞兮虞兮奈若何？歌數曲，美人和之。

泣下數行，左右皆泣，莫能仰視。于是項王乘其駿馬，從

八百餘騎，直夜潰圍南出，馳走渡淮，至陰陵。

山名，在今江南和州。

北，迷失道，問一田父。田父給曰：「左。」左乃陷大澤中。漢騎

將灌嬰追及之。項王引而東，至東城。

故城在今鳳陽府定遠縣東南。乃

有二十八騎。漢追者數千人。項王引騎依四潰山。

在和州北。

石上有馬跡，亦稱四馬山。

爲陳，謂其騎曰：「吾起兵八歲，七十餘戰，未

嘗敗北，遂霸天下。今卒困此，天亡我，非戰之罪也。今日

固決死，願爲諸君決戰，必三勝。斬將艾旗，乃後死。于是

分其騎爲四隊，四鄉。漢騎圍之數重。項王大呼，馳斬一

將復斬一都尉。殺數十百人。諸騎皆服。項王欲東渡烏

江。今和州有烏江浦。在烏江故縣東。亭長艤船待。曰。江東雖小。地方千

里。亦足王也。今獨臣有船。願大王急渡。項王笑曰。籍與

江東子弟八千人。渡江而西。今無一人還。縱江東父老。

憐而王我。我獨不愧于心乎。乃以所乘騅馬賜亭長。自

剄而死。漢將王翳取其頭。楊喜。呂馬童。呂勝。楊武。各得其一體。漢封五人皆爲列侯。楚地悉

定。獨魯不下。漢王欲屠之。至城下。猶聞絃誦聲。爲其守

禮義之國。爲主死節。因持項王頭示之。乃降。漢王以魯

公號。葬項王于穀城。山名。在今山東泰安府東阿縣東北。親爲發喪。哭之

而去。封項伯等四人爲列侯。賜姓劉氏。

遣劉賈擊臨江王共尉虜之。

初西楚所立臨江王共敖敖死子尉嗣爲王。漢既定楚尉不降乃遣劉賈擊虜尉。

更立齊王信爲楚王魏相國越爲梁王。

漢王至定陶馳入齊王信壁奪其軍已下令曰楚地已定義帝無後齊王信習楚風俗更立爲楚王王淮北都下邳。謂相國建成侯越勤勞魏民數破楚軍其以魏故地王之號曰梁王都定陶。韓信至楚召漂母賜千金與德不責召辱已少年以爲中尉告諸將相曰此壯士也方辱我時寧不能死死之無名故忍而就此

赦

令曰兵不得休八年萬民與劉敬曰讀苦甚今天下事畢其赦天下殊死以下

新刊日本書紀卷之六

卷之六

三

